

**SIXTH LEGISLATIVE ASSEMBLY OF MIZORAM
(ELEVENTH SESSION)**

LIST OF BUSINESS

FOR FIFTH SITTING ON MONDAY, THE 23rd JULY, 2012
(Time 10:30 AM to 1:00 PM and 2:00 PM to 4:00 PM)

QUESTIONS

1. *Questions* entered in separate list to be asked and oral answers given.

LAYING OF PAPER

2. **Pu H. LIANSILOVA**, Minister to lay on the Table of the House a copy of "Correction of Budget Speech".

FINANCIAL BUSINESS

General Discussion on the Budget for the Year 2012-2013

3. General Discussion on the Budget for the year 2012-2013 (to commence)

NGURTHANZUALA
Secretary

....

SPEAKER : “Sum leh pai alo pun chuan eitute pawh an pung”
Thuhriltu 5:11(a)

Tunah chuan zawhna leh chhannaah kan kal ang a. Zawhna 61-na zawt turin Pu R.L. Pianmawia ilo ko ang.

Pu R.L. PIANMAWIA : Pu Speaker, UD & PA Minister zahawm tak chhan atan ka zawhna, UD & PA atang hian census village-ah mi retheite chenna In sak sak ve a tum em? Engtikah nge hmalak anih ang? tih a ni e.

SPEAKER : A chhang turin a changtu Minister zahawm tak Pu Zodintluanga i lo sawm ang.

Pu ZODINTLUANGA, MINISTER : Pu Speaker, kan member zahawm tak Pu R.L. Pianmawia zawhna chhanna chu, “UD & PA Department atangin Census Village-ah mi rethei chenna In sak sak tumna a awm rih lo”, tih a ni e.

SPEAKER : Zawhbelhna Pu Lalduhoma leh Pu Hmingdailova Kiangte.

Pu LALDUHOMA : Pu Speaker, hei IAY-ah te hi chuan a thlangtu bik khawtinah an awm a. Tin, State level-ah te, District level-ah te bialtu MLA-te committee-ah awm in an thlan dik leh dik lohah te kan supervise ve theih chin a awm a, ngaihdan kan sawi theih chin te pawh a awm a. UD & PA hnuaiyah hian a beneficiary-te hi engtinng e an select? A bialtu nihna ang hian engmah ka la hre ve ngai lova. Kan bialah ngaih pawimawhte, a thlangtu tena an lo thlan hmaih, mamawh zawk nia kan hriatte emaw, dik vak lo a thlante pawh a lo awm palh ve thei a. Chungah chuan bialtu MLA te hi involve ve theihna, participate ve theih deuhna kawng a awm em? tih ka zawt e.

Pu HMINGDAILOVA KHIANGTE : Chuhvel? khua khu Kolasib town chhung ami a ni ve a. Chuvangin, UD & PA Department atang hian development chi hrang hrang hi kan beisei ve reng a. Vawiin thleng hian kan la hmu lova. Chuvangin, engtikah nge development kan beisei hi kan neih ve theih anga, eng department hrang hrang hnuaiyah te hian nge beisei theih a nih ang? tih ka zawt e, Pu Speaker.

SPEAKER : A chhang turin a changtu Minister ilo ko ang.

Pu ZODINTLUANGA, MINISTER : Pu Speaker, kan member zahawm tak Pu Lalduhoma zawhbelhna kha, kan mi rethei In sak tanpuina thlan dan hi District tinah guideline felfai tak neih a ni a. Tuna IHSDP-ah phei chuan Chairman ah Deputy Commissioner-te dahin Officer-te leh Prominent Citizen te kan MLA te pawh an tel thin a. Aizawl khawpuiah tak hi chuan hetiang ang hmalakna hi ala awm lova. Tunah hian RAY (Rajiv Awaz Yajona) hi bultan turin Central sorkar tenen hmalak mek a ni a. Chungah te

pawh chuan Central sorkar duhdan guidelines angin Pu Speaker, a thlangtu turte hi ruahman mek ani tih kha ka chhanna a ni a.

Tin, kan member zahawm tak Pu Hmingdailova Khiangte zawhbelhna kha, nia Development works-a hi hei kan department hi naupang te ala nih avang hian District Capital hi kan han hrut hmasa a, District Capital ah a theih ang angin hma kan han la a, a dawtah chuan Census Village-ah hian tunah hian hmun hrang hrangah hma kan la thar leha, chungah pawh chuan Village lian deuhthe, a khawlian deuh atang hian hma kan la tan a. Vawiinah hmun hran hranah department chuan a theih ang angin hma a la a ni tih kha ka chhanna a ni.

SPEAKER : Zawhna 62-na zawt turin Pu K. Liantlinga i lo ko ang.

Pu K. LIANTLINGA : Pu Speaker, ka lawm e. Local Administration Department Minister zahawm tak ka zawhna Starred Question No.62-na chu –
(a) Kum 2011-2012 chhung hian 13th Finance Commission atang hian sum engzatnge hmuh a nih tawh? Village Council/Local Council Account-ah transfer vek a ni tawh em?
(b) Kum 2011-2012 atan hian Performance grant engzatnge hmuh a nih? Hmuh anih chuan eng atan nge hman a nih?

SPEAKER : A chhang turin a changtu Minister zahawm tak Pu P.C. Lalthanliana i lo ko ang.

Pu P.C. LALTHANLIANA, MINISTER : Pu Speaker, kan member zahawm tak Pu K. Liantlinga zawhna chhanna chu hetiang hi a ni.

(a) Kum 2011-2012 chhung hian 13th Finance Commission atang hian sum engzatnge hmuh a nih tawh tih chhanna chu Kum 2011-12 chhung hian 13th Finance Commission atangin 1st Installment sum Rs. 11,88,00,000/- hmuh a ni tawh. Village Council/Local Council Account-ah transferred vek a ni tawh em ? tih hi Local Council hi chu kan enkawl a ni lova. Village Council tan chauha hmuh a ni a. Village Council Account-ah hian date 9.4.12-ah Rs.11,28,72,800/- hi V/C tin Account-ah transferred vek a ni. A bak transferred bang Rs. 59,29,200/- chu Village Council tin te mamawh Steel Almirah lei nan hman a ni.

A zawhna (b)-na Kum 2011-2012 atan hian Performance grant engzatnge hmuh a nih? Hmuh anih chuan eng tan nge hman a nih? chhanna chu Kum 2011-12 chhungin performance grant Rs.1,16,96,000/- hmuh a ni a. Heng sum te hi Village Council thlan chhuah 86 te hnenah Rs. 1,36,000/- theuhin TFC a approved action plan kan neih ang te, hnathawhna atan an Account-ah transferred nghal a ni e.

*Speech not corrected

SPEAKER : Zawhbelhna Pu K. Liantlinga.

Pu K. LIANTLINGA : Pu Speaker, ka lawm e. Village Council sum chungchang hi direct funding a ni nge ni lo tih kha tihfiah a ngai a. Local Body Ombudsmen Act kan neih tlai emaw mumal loh vanga 13th Finance Commission sum hi dawn tlai emaw harsatna kan nei em? tih hi a pakhatnaah chuan a ni a.

Tin, a pahnihnaah chuan 13th Finance Commission sum Village Council-ah transfer tlai avang hian State sorkar hian hloh emaw fine emaw a nei em? A neih chuan engzatnge? tih kha ka'n zawt duh baw k a.

Tin, pakhat lelah chuanin, Village Council-te hian anmahni duhdanin khang sumte kha plan leh scheme-te siamin an hmang thei em? Advance-te khangah khan pek chhuah theih a ni em? tih te ka'n zawt chiang duh baw k a.

Tin, State sorkar hian a duh ang angin plan a va siam pui em? Fund release dan kha chiang deuh hleka min hrih ka'n duh deuh baw k a.

Tin, 13th Finance Commission sum hi Village Council-ah direct a transferred vek a lo nih takah chuanin a sum hi V/C ten an hman dan tur mumal takin ruahmanna (proposal) emaw a awm em? a scheme kha a awm em? tih kha ka'n zawt duh baw k a.

Pu Speaker, Village Council hi a tam tham deuh baw k a, zawhna a thui duh ang reng viau mai a, min hriatthiam ka duh a. 13th Finance Commission sum kha nichin khan ka zawhna (b)-naah khanin 11-12 Performance grant kha engzatnge min hrih thei em? Kum 2010-2011 hian engzat nge kan hmuh? Hman a nih dan kha min hrih chiang leh thei sela. Tin, 13th Finance Commission sum 2010,2011, 2012 V/C Account-a a luh ni kha chu min hrih chiang tawh a. Engtiangin nge sem anih, a category hrang hrang, a then dan kha eng criteria nge? Eng category nge hman anih ka hre duh baw k a. Tin, V/C ten an sum hmuh theuh anmahni duh dan anga an hman theih dan leh proposal an siam theih dan min hrih thei em? Pu Speaker hei hi ka zawhbelhna a ni e, ka lawm e.

SPEAKER : A chhang turin Minister ilo ko ang.

Pu P.C. LALTHANLIANA, MINISTER : Pu Speaker, 13th Finance Commission atanga V/C te tana sum kan hmuh hi keini a Department changtu LAD kan nih ang hian a sum leh pai hi kan va khawih ve lutuk lo a. A sum lokal dan hi sanction te kan tih fel a, engkim draw theih anih khan statement atangin direct in Local Council tin te account ah khan SBI atangin transfer nghal vek a ni a, chu chu kan kalpui dan a ni a. Tin, Finance Department in emaw he Local Fund a hi a delay emaw a tih khawtlai chuan chawi a awm thei a. Amaherawhchu, tun tum kan pawisa hmuh ah khan engmah delay a awm lova, chawi tur Finance Department lam atang pawhin min siamsak lova, chu chu kan kalphung ani a. Tin, Local Council te hian hemi 13th Finance Commission sum hman theihna Guideline an neih ang hian (Interruption) 2010-2011 ah kha chuan a awm a, a zat chiah kha ka sawi sual mai thei a transfer tlai anih avangin khulamah nuai 3 chuang hret chawi kan neiin ka hria a, chungte chu tihfel ani a. Amaherawhchu khang kha chu eng emaw harsatna avanga tlai palh te a ni.

Tichuan, Local Council tin te hian 13th Finance Commission in a duh dan, a Guideline angin an khua theuhah an hnathawh tur te engkim ruahmanna DLO tinah te an rawn thehluh a. Chutiang an rawn thehluh chu Department Officer ten an lo enpui a, Guideline hnuai ami ang anih chuan an lo approve sak a. Tichuan, pawisa an dawn atang khan, 'hetah hian tuna kan dawn hi kan hmang ang e', tih an va rawt leh a V/C tin ten. Chutiang chuan an rawtna chu an lo pawm hnuah Bank a Account a direct a tih luh vek pawisa draw phalna kha Bank lamah DLO atangin an lo siamsak a, installment te in tih sak a ni a. Tunhma chuan Member zahawm

takin a sawi ang khan 12th Finance Commission sum kha chu DLO atanga tih kha a ni a, monitor pawh a awl deuh hlek a. Amaherawhchu tuna mi hi chu direct a a fund a hi anmahni account a lut anih avangin in control tak tak pawh a har chin a awm a. Chuti chungin Department lam pawhin kan thu leh hla, kan duh dan angte V/C ten an ngai pawimawh tha viau tho a. Chutiang chuanin kan monitor a ni tih kha kan sawi tel duh a. Tin, 13th Finance Commission hian he Local Body Fund hi kan hman theihna turin kan tih tur thil tam tak min tuk a. Nichin a sawi ang khan (agreement) te leh V/C ten property tax an khawn theihna dan tur te, chubakah State Level Property Tax Board te awmin, State Finance Commission pawh State in a nei tur a ni tih te, thil tam tak a awm a. Kan State sorkar pawhin kan theih ang chin chin chu kan ti thawkhat a. Local Body Fund a hrim hrim chu min pek leh pek loh na chhan tur a awm lem lova. Amaherawhchu, nichina a zawh belhna a sawi ang deuh khan Performance Grant erawh hi chu khang kan tih that leh that loh te, kan lo zawm that leh that loh atanga min pek leh pek loh tur te hi chu a ni ve deuh a ni tih kha kan sawi duh a. 2010-2011 inkarah a vawikhatna atan 13th Finance Commission hian sum min pe a. Chumi a rules 2011, 2012 atan Performance Grant hi a siam ta a ni a. Nichina ka sawi ang khan vaibelchhe khat leh nuai sawm paruk kha Performance Grant-ah pawh tun kumah khan min pe a ni. Chu chu kan hmuh dan a ni a.

Tin, hei 13th Finance Commission atanga sum kan hmuhte hi Village Council tinte khai rual zawka, hleihneihna awm lo va, household number atangin sem nise tih hi Department-in category-an siam dan a ni a. Tuna kan hman danah hi chuan category I-ah chuan village council chhungkaw 401 aia tam chin 401 category I-ah kan han dah a, tin, Village Council in 301 atanga 400-a hi category II kan ti a. Tin, Village Council in 201 atanga 300 nei chin hi cayegory III, tin, in 101 atanga 200, category IV. Tin in za chin leh a hnuailam a kha category V kan ti a. Tichuan a sum hi 13th Finance Commission in a kumin atana minrawn siam atanga a rate theuh kan han siam danah chuan tiang hian pek nise kan ti a. Category I-ah hian nuai 5, hei hi Village Council 96 Mizoramah category I-ah hian kan nei a. Tin, category II-ah hian Village Council 59 kan nei a, chung chu nuai 4 kan ti a, Tin, category II hi Village Council 107 an awm a, tah chuan nuai 3. Category IV-ah Village Council 247 kan nei a, chung chu nuai 2 leh sing 6. Tin, category V hi Village Council 216 kan nei a, chung chu nuai 1 leh sing 8 kan han ruahman a, hei hi kan sum hmuh tur atangin award allocation min han pek chhin atangin kan han ruat a ni a, amaherawhchu a zat chiah te minrawn pek loh chuan khalai kha kan siam rem hlek hlek thin a ni. Chu chu a tlangpui a 13th Finance Commission sum kan hman dante leh kan pek dan thin tlangpui a ni e, Pu Speaker, ka lawm e.

* Speech not corrected

SPEAKER : Zawhna 63-na zawt turin Pu Lalduhoma i lo ko ang.

Pu LALDUHOMA : Pu Speaker, Food, Civil Supplies and Consumer Affairs changtu zahawm tak chhan atan ka zawhna 63-na chu hei hi a ni –
a) Mizoramah cement man a sang bik nia sawi hi a dik em?
b) A dik chuan engvang nge?

SPEAKER : A chhang turin a changtu Minister zahawm tak. Pu H. Rohluna i lo sawm ang.

Pu H. ROHLUNA, MINISTER : Pu Speaker, Member zahawm tak Pu Lalduhoma zawhna chhanna chu hetiang hi a ni -

Cement man hi kan thenawm state, Assam leh Meghalaya te ai chuan a sang deuh a, amaherawhchu cement dealer-te hian Legal Metrology Package Rule, 2011 in a tih angin maximum retail price MRP chinah an zuarin an hralh a ni. b)-na chhanna chu Mizoramah cement man Assam leh Meghalaya aia a san zawk nachhan chu transportation leh VAT 13.5 % leh handling charge-te vang a ni, tih a ni.

SPEAKER : Zawhbelhna, Pu K. Liantlinga.

Pu K. LIANTLINGA : Pu Speaker ka lawm e. VAT chungchang thuah VAT lak kha 13.5 kha company atanga tax lakah company dangten direct-a lak a nih si lova, dealer-te hnen atangin dealer dangten an la chhawng leh thin a, VAT kha lak leh thin a ni a, lak dan system kha factory atanga direct-a la hi tam tak an ni lova, dealer hnen atanga la chhawng an ni a, VAT kan lo lak leh khanin a double ta tlat mai a, chulaiah chuanin cement zuarte leh a leitute tan pawh harsatna a awm niin a hriat a, engtiang takin nge VAT kha lak a nih dan? Factory atanga an lak leh, Dealer hnen atanga zu la chhawng lehte atang khan VAT pek kha claim let leh dana kha a awmin ka hria a, khati lai kha engtin nge? tih kha ka zawhbelhna a ni e. Pu Speaker ka lawm e.

SPEAKER : Supply Minister khan a chhang anga. Kan kal zel danah te hi chuan Taxation Minister chhan tawh tur zawk awm tak kha a nia, amaherawhchu Supply Minister khan han chhang phawt teh se.

Pu H. ROHLUNA, MINISTER : Pu Speaker, member zahawmtak Pu K. Liantlinga zawhbelhna kha, Taxation department lampang chhan tur ni awm tak zawk a ni a, helai hi chu ka chiang vak lo a ni.

SPEAKER : I chhan theih loh chuan, a tawk mai e. Taxation Minister khan a chhan duh chuan a chhang thei ang a, chhan tul a tih loh chuan a chhang lo thei ang. Taxation Minister khan chhan tul a ti em? Tul a ti lem rih lo a nih chu, hun dangah hriat tul a awm a nih chuan kan la inhriat tir tur ni sela, Member tena an ngaih pawimawh hi kan Minister ten ngaihpawihmawh sak hram hram ula.

Pu LALDUHOMA : Pu Speaker, hei hi mipui interest a ni a, churang chuan kan Minister zahawmtak Taxation changtu hian VAT double pekte hi chu awmlo thei sela, mipui min relieve anga, anlo pe double a nih pawhin a reimburse dan a awm anih kha chuan double lo ang a ni anga, mipui zangkhai theih dan kawng zawng tur khanin, Demand kan sawi hunah te pawhrawn khak tel thei sela a tha hle ang a.

SPEAKER : Awle, chu chu Hon`ble Minister incharge Taxation changtu khan lo hriat tum sela, tunah zawhna 64-naah kan kal anga, a zawt turin Pu C. Ramhluna leh Pu Lalthansanga te intawm a ni a, Pu C. Ramhluna zawt turin ilo ko ang.

Pu C. RAMHLUNA : Pu Speaker, ka lawm e. Food, Civil Supplies & Consumer Affairs Department changtu Minister zahawm tak chhan atana kan question intawm chu hei hi a ni.

- a) Tuna Mizoram cooking gas quota hi thla khatah engzat nge?
- b) Tunah hian Mizoramah cooking gas consumer cards engzat nge awm a, chung zawng zawng gas cylinder dawn tur chu engzat nge?
- c) January, February, March, April, May leh June 2012 ah te Food, Civil Supplies & Consumer Affairs Department atangin special-in an dil avanga cooking gas cylinder engzat theuh nge pek chhuah a nih?
- d) Heng zingah hian consumer card nena en mila pek engzatnge awm a, consumer card nena en mil lohin engzatnge pek chhuah a nih? tih a ni e.

SPEAKER : A chhang turin a changtu Minister zahawmtak Pu H. Rohluna ilo ko ang.

Pu H. ROHLUNA, MINISTER : Pu Speaker, member zahawmtakte Pu C. Ramhluna leh Pu Lalthansanga te zawhna chhanna chu :-

- a) Mizoram cooking gas quota hi IOC chhut dan chuan thla khatah 1650 Metric Ton a ni.
- b) Mizoramah cooking gas consumer card nuai 2 sing 4 sang 3 za 7 sawmriat leh panga (2,43,785), hei hi domestic a ni a, chung zawng zawnga gas cylinder awmzat chu 392157 (nuai 3 sing 9 sang 2 za sawmnga pasarih) a ni.
- c) Food, Civil Supplies & Consumer Affairs Department atanga January 2012 atanga June 2012 chhunga special a dil avanga cooking gas cylinder pek chhuah zat chu hetiang hi a ni -

January 2012	-	2355 cylinder.
February 2012	-	3150 cylinder
March 2012	-	3270 cylinder
April 2012	-	2310 cylinder
May 2012	-	2160 cylinder
<u>June 2012</u>	-	<u>2670 cylinder</u>
A vaiin	-	15915 Cylinders

- d) Heng zingah hian Consumer Card nena pek leh Consumer Card tel lova pek chhuah zat a hrana chhinchhiah a nih loh avangin a zat hriat theih a ni lo.

SPEAKER : Zawhbelhna Pu C. Ramhluna, a dawtah Pu Lalthansanga.

Pu C. RAMHLUNA : Gas harsatna hi chu sawi vak pawh ngai lovin kan hre tlang theuh a. Hman deuh khan phai lama hotute pawh chah chhuah niin helaiah khan sawipui an ni a. Kan hriatdanin June thla chawhnu lamah chuan a ziaawm tawh deuh mahna tiin mipuite kha beiseina sang tak min pe a; mahse a engmah tehchiam chuang lo niin a lang a. A hnuah July thla chawhnu lamah chuan a ziaawm deuh ang tih te kan hre leh a. Hmanniah July thla second week-ah khan Shivaji Tillah lai vel bawrah khian April, 2012-a min pek tawh kha

July second week-ah min han pe ve leh ta chauh a. Khamiah khan connection card kha panga nei pawh ni ilangin pakhat te te chauh chhungkaw tin min pe a. Chuvang chuan, kan zangkhai tehchiam lo a ni mai awm mang e aw ka ti a. Kan Minister zahawm tak pawh hi Delhi tlangah te khan a kal a, hemi harsatna pawh hi a sawi hle ni khan kan hria a. Ka'n zawh duh taka chu cooking gas lama problem kan neih hi India ram pumpui huap nia sawi te kha a ni a. Helai hi han hriat chian ve hrim hrim pawh a chakawmin ka hria a, eng vang nge maw heti taka kan harsat tak hi mipui hian hrechiang ve ila a thain ka hria a. Chubakah chuan, engtikah nge he cooking gas harsatna hi solve theih a nih kan beisei? Mipuiin engchen nge la nghak tur a kan inbuatsaih dawn? tih te pawh hi min hrih ve hrim hrim se la a thain ka hria a, chu chu ka'n zawh belh a ni e.

Pu LALTHANSANGA : Pu Speaker, ka lawm e. Ka zawhna hi a chhuak thei lo khawp a, hei a chhuak ve a, a lawmawm hlein ka hria. Kan Minister hian tunhnai hian kan gas harsatna hi sut kian tumin a'n bei ngial a, a hlawhtlinna te pawh hi hmu turah ka'n ngai deuh a. Chumi rual chuanin, Mualkhang Bottling Plant khu tih len turin 2008 khan IOC lampang hian a rawn ti tawh a. Khumi khu tihlen nita se chu nikhatah hian gas hi trip 21 emaw tih chhuah theih tur a ni a. Chutihlai karah chuan vawiin thleng hian tih len a la ni lova. Engvangin nge hei hi sorkar hian a ngaihsak loh?

Tin, chubakah chuan, Kolasib DC hnuai niin, Aizawl DC hnuai ah entir a ni a, mahse Kolasib District anihna angin vawiinah hian Kolasib District-ah hlan leh a ni a. Chumi Report pawh chu thehluh tawh a ni a, eng nge a harsatna? Khutilai hnaia ram nei Pu Nikunga pawh hian a hralh phal tihte a awm a. Kan Sorkar hian mipui harsatna hi a ngaihtuah tawk lo ni hian a lang deuh hlek a. Engvangin nge sorkar hian hma hi a lak loh? A mawh hi a phur lo hian a inhre tak tak nge? Tax ni se la, bur khatah Rs. 15 emaw 4% zel a la anih si lai hian hei hi hriatthiam a har hle a.

Tin, Mualkhang hi thingtlangho feed tura tih anih lai hian khawpui hian engzah hi nge a pawh thin? Tin, Borkhala, Aizawl feed tur deuh bikah kan gas agencies 17 lai hian engvangin nge harsatna an tawh? Khu mi load-na turah khuan a hnungah khuan an awm zel mai a, gas phur hi an kal tha duh lo a ni a, Mizoram atanga kal ho hian. Khu khu Aizawl District leh Kolasib District min chawmtu tura tih deuh hlek khu niin a hriat a. Khuta an zuk kal khuan an beidawng haw fo mai a ni. Tin, State dang atanga trip an lak zung zung laiin keini State phur ve turte chuan an la ve thei si lova. A hmunah te khuan zuk kalin khutiang te khu sutkian dan te leh khuti laia hotute pawh zuk hmu ta se chuan vawiina kan harsatna te pawh hi a ziaawm deuh lo maw tih kha kan phut a ni a.

Tin, chubakah chuan commercial hi engzah hi nge Mizoramah connection awm tih ka zawt duh baw a. Kan hman nasat poh leh revenue hi kan chhung lut hnem ani mai a, 2010 - 11 ah pawh hian revenue Rs. Nuai zahnih lai gas atang hian kan chhung lut ani a, chutiang tak anih lai chuanin kan sorkar hian in tun ai a nasa leh zual hian mawh la se la, tin, engvangin nge khulai hmun khu chutiang a 2008 atanga IOC-in phalna a rawn pek tihlen phalna a rawn pek a tih theih loh Manipur-te chuan thla 3 chhung buai lo tur a ahmun tihlenna turin ram an pe ringawt mai a, Manipur sorkar tih ang hian kan sorkar hian a ti thei em? tih kha ka'n zawh belhna chu a ni.

SPEAKER : Awle, chhang turin a changtu Minister, zau deuh taka i sawi an beisei anih kha Member ten.

Pu H. ROHLUNA, MINISTER : Pu Speaker, gas hi chhungkaw tinin kan mamawh anih avangin chhungkaw tin khawih a ni a, pawimawh pawh a pawimawh a. Harsatna kan han tawh nasat karah pawh mipui ten phunnawi manglovin min hrethiam zel ni te pawn a hriat a, a lawmawm khawpin ka hria. Chutih karah chuan mamawh miao si hi chuan duh ang neih loh avanga an lo phun nawi deuh anih pawh in hriatthiam awm ka ti a. A chhan chu he thil hi chhungkaw tinin kan mamawh, harsatna avanga kan duh ang a kan neih si loh, a lo a khawsak theih bawk si loh anih avangin mipuite pawh an dawhthei khawpin ka hria a, a lawmawm khawpin ka hria.

Tichuan Member zahawm tak Pu C. Ramhluna'n a zawhbelhna, Cooking gas harsatna hi ram pum ani kan ti a, tunah hian thenkhatin state dang an harsa love, Mizoram chauh ani tih te chanchinbuah te kan hmu thin a, amaherawhchu anni pawhin hre reng chung a an tih anih te pawh kan ring a, muhil der kaihthawh hi a har khawp a tih ang deuh vin, hre reng si, mahse mipui zirtirna diklo avanga mileage (hlawkna) lo neih tum thenkhat te hian chutiang zawng a mipui an zirtir erawh hi chu pawh ka ti khawp mai a. Tunah hian kan harsat chhan ber hi chu April, May, January thla atang paw'n a ni e, import lamah hian India-in harsatna a tawh chho va. Kan sawi fo thin tawh ang in gas hi 20% vel hi India ramin kan thar chhuah ani a, Za a 80 vel hi ram pawn atang a kan import (kan lakluh) a ni a. Chuvang chuan harsatna hi alakluh lamah a awm chuan a ram pum hian kan tuar lo thei lova, kan lakluhna ram ber hi Iran a ni a, chutah Saudi Arabia atang pawn kan la lut bawk a. Chumi ram pahnih chu a main deuh ber an ni a.

Tichuan Iran hi an nuclear programme avangin hrek tur tih a ni a. Hman deuh pawh khan Pi Hillary Clinton te pawh India ramah a rawn thlawk lut zar zar anih kha kan hre vek ang a. Chuvang chuan India pawhin 15% velin a import pawh an ti hniam a ni, tichuan Saudi Arabia lamah inhnangfak a tum ta a, mahse, anni lamin an technology upgrade leh an export-na (pek chhuahna) chu upgrade tumin hna an lo thawk a, a duh ang India-in a hmu hlei thei si lova, chuvangin Iran-ah bawk a tlan lut leh ta a. Tunah hi chuan June thla tawp lam atang chuan supply pawh hi a import-ah chuan problem a awm tawh rih lo a ni. North East hian Haldia Port atangin kan la lut a, tichuan North East bik India ram hmundang aia kan harsat zualna pakhat hi chu Noonmaligarh Refinery a chhia a, April ni 7-ah khan bomb puak a awm a, kangmei a chhuak a, chu chu tun June 20 hnulamah khan a function leh chauh a ni. A chhe rei a, a capacity Noonmaligarh hi thla khatah 400 metric ton a ni a, tichuan Bongaigaon Refinery hi April thla chawhma lam khan technical problem avangin an khar leh bawk a, capacity nei lian pahnih an khar takah khan import problem awm bawk, lehlamah refinery lamah problem awm bawk, chu chuan harsatna min siam a, chu chu kan tuar ta hle a, April leh May ah hian kan supply hi a chhe ta viau a ni. Tichuan theihtawp chhuahin tan kan la a, May ni 18-ah North East-a an hotupa ber, an General Manager, Pu P. Dey te, DGM (LPG) te leh an hote helaiha kan ko chho a, kan harsatna kan sawipui a, anni pawn tihngaihna vak an hrelo, amaherawhchu theihtawp chhuahin tan kan rawnla ang tiin min tiam a, min tiam dan chuan hei June thla tawp lam atang hi chuan improvement a awm theih kan beisei an ti a, improvement hi chu a awm tan ta reng a, July-ah pawh hian improvement chu nasa tak a ni, amaherawhchu a back lock hi kan la cover zolo tih chauh a ni. Tichuan tunthlaah hian import lamah te problem a awm tak loh deuh a, refinery-te tha taka a function theih takah chuan theihtawp chhuahin tan kan la leh zual ta a, a hma pawn tan kan la lo ni lovin IOC Chairmante, Union Cabinet Minister for Petroleum and Natural Gas-te, Minister of State-ah te, vawi engemaw zat ziakin kan dawr a, tin, Ministry Secretary te thlengin North East mai te pawh duhtawk lovin theihtawp chu a hma atangin kan chhuah reng a ni.

Pu Speaker, kan Rail kawng hi June thlatawp lam atangin leimin avangin a ping a, Lumding atanga service a awm ta lo reng renga, chuvang chuan POL-ah te, buhfai lamah te harsatna kan tawk ang tih kan hlau bawk a, Guwahati-ah June ni 6 khan IOC hotu leh Railway lam hotute be turin kan zu kal a. IOC leh Railway lam hotu tenena kan inbiaknaah Minister of State zahawm tak Pu Nihar Kanti an min tawiawm a. Railway service pawh hi June thla tawp lam atanga ping, service awm ta lo kha vawiin dar 10:30 atangin service an tan leh dawn ta a, buhfai an load tawh a, Lumding atangin dar 10:30-ah a lo chhuak ang a, Bairabi a va load tur, tih North East-a an Chief Operation Manager-in tukinah kan in lamah phone in minrawn hrilh a ni. A Office a kan sawiho lai kha chuan, 'ni 25 atangin a kal leh thei tan ang, ni 24-ah information ka rawn pe ngei ngei ang che', min ti a, min assure a, chu chu nikhatin a advance ta a, tukinah minrawn hrilh a ni. Central lamah pawh tun thla vek khan Minister of State for Petroleum & Natural Gas office-ah kan sawiho a, Gas leh Rail kawng ping avanga POL-ahte problem kan neih palh kan hlauh vangin theihtawp chhuah a tan la turin kan zuk ti a, chu chu ni 9 July khan a ni. UD & PA Minister zahawm takte, Parliamentary Secretary zahawm tak Pu K.S. Thanga ten min tawiawm bawk a. A hnena harsatna kan thlen tawh hma a lo lak dan engkim min hrilh vek a, theihtawp chhuahin tan a lak tur thu leh lo thlaphang lo turin min ti a, harsatna lutuk awm lovin Rail kawng a ping chungin Petrol leh Diesel-ah pawh kan pal tlang thei a ni. Chuiang chuan hma kan la a, kan la chho mek zel a ni. Kan harsatna a hmuna min hmuhpui turin leh kan problem hi plain area ang a nih loh avangin, kan state-ah lokal turin ka sawm a, ani pawhin a ngaipawimawh a, "in harsatna permanent solution hi ngaihtuah a ngai a ni," tiin fur zawh hunah October thla a lokal turin ruahmanna kan siam ta a ni. "Aizawlah North East-a Supply Minister-te leh thuneitute nen meeting nei ila min thleng thei ang em?" a ti a. "E kan facilities neih ang angin kan lo thleng ang che", kan ti a ni. Chu hun chu beisei takin kan thlir mek a ni. Pu Speaker kan hmalakna te sawi vek dawn ila kan sawi seng lo ang a, Silchar a an hotute pawh kan state chhungah ngei hian sawipui hi Minister angin ka tihtur zawk nia ka hriat avangin kan ko chho thin a, kan harsatna kan sawipui thin a ni tih ka sawi duh a ni.

Tichuan April atanga improvement kan hmuhte kan tarlang ang a, Aizawl bik atan April ni 1 atanga ni 20 inkarah trip 90 kan dawng a, May ni 1 atanga 20-ah trip 125, hemi hun chhung hian june thlaah tlem a tlahniam deuh va trip 109 a ni a, July-ah hian trip 146 kan dawng tawh a ni. Tichuan vawiinah pawh hian trip 18 Aizawl a lo thleng, hmasawna hi a ni telin kan hmu chho a ni. Kan harsatna a lo rei tawh avang hian vawilekhatah han cover vek hi chu a theih bik lova, mahse hma chu kan sawn nasa tawh a ni.

Tichuan Pu Lalthansanga zawhna kha, Mualkhang Bottling Plant upgrade tur hian sorkarin hma a la tak tak lova a tih kha, hei hi a hre duh tan House-ah ka sawi fo tawh a, kum 2009-a sorkar kan inbun tirh atangin theihtawp chhuahin tan kan la a, Mizoram Gas kan neih tam theihna turin Mualkhang Bottling Plant leh Borkhola Bottling Plant hian Mizoram hi min chawm a, Mualkhang a mi hi electronic filling machine bun mahse a capacity a tlem a, 5 carousel chauh a ni a, chuvangin 12 a ti lian turin kan ti a, nikum 2011 March thla khan bun fel vek tawh a ni. Tin, Silchar Borkhola Bottling Plan hi manual filling a ni, kan sorkar tirh kha chuan, 'tunlai technology changkang tawh nen hetiang hi a dik love, Mizoram min supply tu a ni si a', kan ti a, Barrack Valley hi Assam tan chuan hnuchhawn ram deuh a ni a mahse keimahniin kan mamawh miao si a, kan nawrpui a, tichuan electronic filling machine 24 carousel hi 2010 Christmas hma khan an bun fel vek tawh a ni. Chutiang chuan ramchungin kan mamawh supply tha taka a lokal theihna turin a bulthut atangin hma

kan la a ni. Pu Speaker, tichuan Mualkhang Bottling Plan upgrade zo tur hi chuan a khawl bun fel vek tawh mahse a storage capacity kha tihlen a ngai a ni, a chhan chu kan lakluhna refinery a hla si a, a bullet kan ti mai a, tanktrucks an ti a company chuan, gas min rawn supply-tu motor veivahna hi a kawng a thui si a, kawng block leh band te a awm hian kan tuar zel a, chuvang chuan a stock-na tha zawk leh lian zawk hi neih a tul a, chumi tur chuan tuna an compound, a plant area khu a zim lutuk a, truck parking an neih khu sawn chhuah a a sira ram Pu Nikunga ram hi acquire nise tiin rel a ni a, acquire turin Kolasib D.C.-in assessment a siamfel vek a mahse tun thlengin acquire fel a ni ta lova, state sorkarin a approved vek tawh a, a payment hi company pek tur a ni a, state sorkar pek tur a nilo a ni. Chuvang chuan company lamin to an ti lutuk a, chuvangin payment a tih theih lova, a storage capacity thar pawh truck parking a sawn theih rih loh avangin an ti thei lova. Tunah hian mamawh dan a zirin a tank trucks (bullets) lo thlen dan a zirin filling an ti ta ringawt mai a ni, chu chuan problem min la siam nasa em em a ni.

Tin, Pu Nikunga ram hectare 2 bawr vel a ni a, chu chu assessment pawh 2010 Krismas dawnah khan approved daih tawh IOC-ah pawh thehluh tawh a ni, mahse IOC lam khan to an ti ta a, a land value-ah sawisel an nei hran lo chutih rual chuan a building pawh hi an la hrethiam deuh a, amaherawhchu crop value assessment kha sang an ti ta lutuk a ni, chu chu 57,10,370 crop compensation atan assessed a ni a. Tin, land value atan hian 26,90,377 a ni a, tin, building atan hian 3,19,356 a ni a, avaiin ram acquire-na atana assessment an siam sorkarin a approved kha 87,20,103 a ni. Chuvang chuan company lam hian officer 3 an rawn intir a (IOC lam), an rawn en a standing crop te kha ni theiin an hre lova, chuvang chuan joint verification neih leh nise an ti a, mahse Kolasib D.C., (Kolasib District Collector) khan “hei hi sorkar paw’n a approved tawh lo siamfel vek tawh a ni a, ennawn theih a ni love”, a ti ta a, kan tang ta a ni.

Tunah hian company lamin nichina Member zahawm tak Pu Lalthansanga sawi Manipur lamah te pawh an zauh a tih te pawh kha, nia Manipur lamah te chuan an tifel tih keipawn ka hria a ni, a chhan chu anni chuan keini ram ang em em hian ram compensation-ah an duham lo, a ram phu tawkin anni chuan an chhiar niin ka hria, chuvang chuan awlsam tein payment kha an ti a (Pu LALTHANSANGA : Pu Speaker, khuti lai ram lak tura chu D.C.-ina tih si chuan kan ram tana pawimawh a ni a, Sorkar hian ennawn dante a awm em? crop compensation a khatiang zat kha tam an ti anih chuan. Anih loh chuan Mizoram sorkarina a lo approved tawh anih chuanin IOC lampang pawh khanin pawm ve mai tur a ni lawm ni? Anih loh chuan sorkar lam khan ennawn kha) (Pu LALDUHOMA : Pu Speaker, kan tuihnih ve lawk teh ang. Khati em em a uchuak a thlai man ringawt pawh nuai 50 chuang anih kha chuan, chutiang thlai a awm lo anih baw si chuan, a assessment titu khan a tidik lova, a chungah khan action kan la zawk tur a ni dawn lawm ni? kan ram ina a mamawh, kan neih loh phahna atana mi pahnih khat thil tih dik loh kan vai tuar fo mai hi a dik lo. Kolasib D.C. pawh sorkar hnuai a awm a ni, chuvang chuanin assessment kha siamthat leh nisela an pawm theih tur tawh khanin, khatiang pawh enpui mumal awm lova sorkarin an lo approved ngawt thin pawh kha a dik lo, chuvang chuanin tih theih loh tur anga ngaih tur a niin ka ring lo Pu Speaker) Pu Speaker, hei hi a pawl khawp a. Land Acquisition Act hnuai hian District Collector thuneihna hi a sang khawp a. Award vawikhat final a nih tawh pheih chuan Supreme Court pawhin a pawmpui (uphold) thin an ti a ni. Chuvang chuan hei hi a harsa tawh khawp a. Keini lam pawhin Joint verification te chu neih dan a awm mai lo’ m ni? kan han ti a, amaherawhchu, a company lam pawh hi off-side hretna an nei a. A Plant manager khan assessment an han draft lai khan seal chhu lovin a lo sign ve tlat mai a ni. Chu tak mai

chuan min ti khawlh kham ta a. Chuvang chuan Kolasib District Collector pawh kha a tanna lai chu a ni ta a ni. Company lam pawhin an hriatpui a lawm an han ti ta a. Mahse, authority sang zawk lam khan kha kha tha an ti leh si lova. Chuvang chuan a harsa khawp mai a. A company lam pawh May ni 18-a an General Manager hova an rawn kal pawhin a hmunah te pawh an zu en a. Hmannia Guwahati-a kan zu sawiho leh khan, ani pawhin, 'e, tihngaihna a awm chuang lova, chuvang chuan he ram hi kan acquire theih ka ring lo,' tiin min chhang a ni. Chuvangin harsatna kan tawh a ni tih hi ka sawi duh a. Chutiang chuan hma la lo emaw, harsatna sutkian tum lo emaw zawnga party thenkhat ten chanchinbuah te, Press Conference-ah te min lo puhmawh erawh kha chu thudik lo a ni tih ka'n sawi duh a ni. Theihtawp chhuahin tan kan la a ni.

Pu C. RAMHLUNA : Pu Speaker, Pu Nikunga ram kha khatianga a nih si chuan amah te pawh kha negotiate a, tlawm deuh hlek tura han tih dan te kha a awm em aw?

Pu H. ROHLUNA, MINISTER : Chu pawh chu Pu Speaker, tan kan la a, IOC lam pawh chutiang chuan theih ang angin, a authority hian tan la in private-in negotiate tum teh u, tih thleng pawhin thurawn kan pe a ni.

Pu C. RAMHLUNA : Khami kha a nih si chuan kha ti khan a awm reng dawn, solve lohin a awm dawn tihna a ni ta a. Mipuiin kan tuar reng dawn tih a ni ta a. Chumi a nih chuan ramdangte pawh kha a zawn theih lo'm ni?

Pu H. ROHLUNA, MINISTER : Pu Speaker, IOC lam pawh kan rawn a, a bulhnaiah pawh hmanni a May 18-a an rawn kal pawhin a aia ram lak tur remchang deuh te pawh a awm em? tih rawn en nghal ulangin, tih te thlengin kan in chah a. Amaherawhchu, anni ram lo chu ram rem tak hi an hmu lo a ni. A ram insi chet a ni a, Pu Nikunga ram leh Mualkhang Bottling Plant hi. Chuvang chuan anni tan chuan a awlsam ber a. Amaherawhchu a bulhna a midang ram te pawh hi tihdan a awm mai lo'm ni? Truck Parking sawnna tur na na na leh quarters tur thildang tul atan in hmang duh a nih pawhin tih thleng pawhin anmahni nen pawh kan sawi ho a ni. Pu Speaker, hun ka la hnem ta hle a.

Mualkhang hian Aizawlah a pe tlem tih hi, tunah chuan a pe tlem hran lova. Aizawl hi population tamna ber, state capital a nih avangin a supply indaih lohna hi hmun dang aiin a nasa zual a. Chuvang chuan Aizawlah hian rawn in concentrate deuh turin IOC Authority lam pawh kan hrilh a. Tunah chuan Aizawlah pawh supply hi a lo kal tha viau a ni. Ka sawi tawh angin nikhatah waviinah pawh hian trip 18 a lo luh chuan chung chuan awmzia a nei viau dawn a ni. Aizawlah trip 8, trip 9 tihte nikhatah hian a lo luh dan tlangpui a ni a, chutiang chuan hma kan sawn chho va. Thingtlang lam te pawh hi ngaihthah chuang lovin supply pawh hi a kal reng a. Aizawlah pawh hian a theih ang ang hi chu rawn concentrate turin kan ti a. Gas hnianghnar zawk a kan hmuh theihna tur hian theihtawp chhuahin sorkarin tan a la a ni. Tin, chutih rual chuan mipui lam pawh hi kan aware zel a tha a. Kan tan tlan loh hi chuan thil dik lo leh gas tih chingpen venah pawh Department ngawt chu kan indaihlo a ni. Black a lei tur awm reng, helama indaih si lo, tih tawngkam te kan hre thin a. Hengte pawh hi a black-a leina tur hria khan a department-ah, sorkarah rawn report sela. Khang kha chu kan umzui ngei ngei a, man pawh hi kan ngah a ni. Chuvang chuan kawng diklo hi haw viau angin kan insawi thin a, amaherawhchu a sawina tur leh a report-na tur leh action la theitu hnenah kan hrilh thin lo lai erawh hi chu Pu Speaker, a pawh khawp in ka hria a. Hei hi kan tan tlan tak tak hi thil tul tak a ni a. Mipui mamawh leh chhungtin mamawh anih avangin a tulin ka hria a, chu chu kan sawi tel duh a. Tin, nichina gas connection card awm zat tihah khan RGGLV

Vitrak Scheme hnuai agency commission thar a connection ti thar ho kha an la tel loh a ni. A chhan chu hemi card awm zat lak lai khan la lak tel lo a ni tih kan sawi tel duh a, nakinah engemaw palhah han hriatthiamloh a awm takin. Tin, kan gas quota 1650 metric ton tih kha tunah hi chuan IOC lam te nena kan in nawrna leh connection pung chho zel avang te in tunah hian metric ton 1800 in IOC pawhin tih pun min remtih pui tawh tih kha kan sawi tel duh baw a ni. Pu Speaker, ka lawm e.

SPEAKER : Awle, zawhna 65-na zawt turin Pu Lalthansanga lo sawm ang.

Pu LALTHANSANGA : Awle, Pu Speaker, ka lawm e. A chhuak dawn tawh lo emaw ka ti a. A lo chhuak leh a, kan minister zahawm tak, Taxation changtu ka zawhna 65-na : Kan sorkar hian way bill hi engvangin nge a pek thin? Engtik atangin nge a tih tawp tak? Engvang nge? tih ka zawt e.

SPEAKER : Awle, a chhang turin a changtu Minister zahawm tak, Pu Zodintluanga (Pu LALTHANSANGA : Pu Speaker, zawh belhna hun a awm tawh dawn silo a, hemi i personal use bik atan hi chuanin la pek leh dan hram a awm lawm ni? tih kha kan ngen nghal baw a ni)

Awle, zawhbelhna kha chhang nghal rawh se Minister, Pu Zodintluanga lo sawm ang.

Pu ZODINTLUANGA, MINISTER : Pu Speaker, kan member zahawm tak Pu Lalthansanga zawhna

(a)-na chhanna chu Way bill hi Mizoram chhungah hralh chhawn leh tur Vat lakna bungraw lakluh nan register vat dealer te hman tura tih a ni a. Tin, Personal Use Way Bill a awm baw a. Chu chu mimal bungrua hralh tura tan nilo Mizoram pawn atanga lakluh nana hman tura siam a ni.

(b)-na chhanna chu Way Bill hi tih tawp a la nilo tih hi a chhanna a ni e. Tin, Pu Speaker, i phalnain kan member zahawm tak Pu Liantlinga zawhna kha hemi hi dawt dawt lehah khan a awm tho avang khan ka lo chhang thei mai ang chu ka ti a (SPEAKER : Awle, tunah hun a tawp deuh naa chu chu han chhan zawm rawhse) Pu Speaker, kan member zahawm tak, Pu Lalthansanga zawhbelhna kha tuna kan han sawi ang khan way bill hi tih tawp a nilo tiha kha kan sawi chiang hmasa duh a. Way Bill hi chi 2 tuna kan han sawi ang khan register te ho, sumdawng tena an hralh leh chhawn tur atan hian pek a ni a. Tin, Mimal (sumdawng ni lo) mahni in sakna bungrua te, anmahni tana hralh chhawn leh tur nilo ina hmun dang atanga an lak theihnan hian personal use way bill hi hman a ni thin a.

He personal way bill hi an hman dikloh nasat thin avangin sorkarin strict deuha a dan dik taka hmang turin notification Dt : 24th May, 2010 khan an chhuah a, hei hi way bill tihtawpna nilovin way bill dan dik taka hman theihna tur atana kha notification kha chhuah a ni a. Chu chuanin a hma a sumdawng nilo, mimal tana bungrua la tur anga way bill dil si, amaherawhchu sumdawng hnenah te hralh chhawng a, vat pek loh nan te hmang tam tak an awm a. Tlemlai deuh phei kha chuan way bill zuar hi an tam em em mai a ni. Chutiang avang chuanin kha order kha strict taka tih a ni a. Tunah chuan mimal tu ate pawh, Kohhran a ni emaw, pawl an ni emaw, mimal pawhin a way bill an mahni personal used atan a hman tur

a nih chuan Department-in uluk takin an en a, anmahni awm hmunah te an va check a, chumi hnuah chuan an pe chhuak thin a ni. Pu Speaker, way bill hi chu engtik lai pawn lam theih a ni tih kha kanrawn sawi tel duh a ni.

Tin, nichin a kan member zahawm tak Pu Liantlinga zawhna cement chungchang kha ti hian sawi ila a fiah thei ang em aw ka ti a. Company-te hian C&F agent kan ti a, consignment and forwarding agent-in a bungrua an lak hi chuan Mizoramah stock transfer angin arawn lut a, tax lak a ni lova, Mizoram chung atanga kan hralh chhuah chiah hian VAT hi lak tan thin a ni a. Tin, VAT kan pek hian, chi hrang hrang atanga VAT hi lak anih avang hian mi tam tak hian VAT pe nawnah hian kan inngai thin a, hetah hian kan VAT dan, VAT a danglamna bik riau a chu ITC kan tih hi a ni a, Input Tax Credit tih a ni. Chumi hmang chuan VAT an lo lak tawhna ang kha hetah an lo thing leh anih pawn, khami ang kha pek let lehna dan a awm a, chumi ang a nih chuan VAT kan pek tawh hi pek nawn leh a ngai tawh lo a ni tih kha ka'n rawn sawi tel duh a. Khami ang khan, entir nan Silchar-ah Company dealer hnenah nilo, lo la selang chuan Silchar-ah Assam VAT a zuk chawi ang a, Mizoramah arawn luh leh dawnin hralh chhawn leh tur a nih chuan Mizoramin VAT khami a bungrua ken luh atang khan VAT kan lak leh a ngai dawn ta a ni. Amaherawhchu Company direct-arawn kal te a nih chuan Cement-ah te pawh consignment agent-te pawh an awm ve a, anmahni stockiest-ah te chuan stock transfer-in free-in arawn lut a, an stockist atang khan a hralh chhawnaah VAT hi lak leh thin a ni tih kha Pu Speaker, ka chhan thiam dan a ni e, ka lawm e.

SPEAKER : Awle, kan zawhna leh chhanna hun kan lo zo leh ta a. Kan tih tur dangah kan kal ang a. Hei, Minister zahawm tak Pu P.C. Zoram Sangliana'n vanduin Keifang bula thlengah Statement siam arawn dil a, kan Dan 60-na in min phalsak angin tunah Minister zahawm tak Pu P.C. Zoram Sangliana Statement pe turin ka ko e.

Pu P.C. ZORAM SANGLIANA, MINISTER : Pu Speaker, kan Dan bu 60-na in min phal ang leh i remtihnain ni 21.7.2012 (Saturday) zinglam dar 1 thlen hma hret a Champhai night bus ZK Travels, registration no. MZ 01-E 7015, Keifang quarry chimin a hnawl chungchang a chhian raphlak tak thlengah hian Transport Minister ka nihna angin House zahawm takah hian Statement karawn siam dawn a ni. He bus hi Pi Lalnunsangi w/o Rozama, Bawngkawn Chhim Veng ta niin, Aizawl leh Champhai inkar a night bus service a ni a.

Hemi ni zing dar 2 rik hma hret hian Saitual Group YMA hruaitu pakhatin he chhian thleng chungchang hi phone-in minrawn hriattir a, Champhai North bialtu zahawm tak Pu T.T. Zothansanga leh Champhai South bialtu Minister zahawm tak Pu J.H. Rothuama te ka'n hrih chhawng ve nghal a, Home Minister zahawm tak leh Tawi bialtu ni baw Pu R. Lalziriana nen inbiain, a nin kal tura a in buatsaih mek thu min lo hrih a. Aizawl lam atangin mamawh tur te a theih ang angin kan ruahman nghal a. Pu R. Lalziriana, Home Minister hovin, Pu J.H. Rothuama, Revenue Minister, Pu T.T. Zothansanga MLA, Central YMA General Secretary Pu Vanlaluata leh CEC Member Pu Lalhmingliana Colney te nen zing dar 6 rik hmian Keifang kan thleng chho a, Aizawl Civil Hospital atangin Ambulance pahnih (2), Transport leh Police Department atangin Ambulance pakhat ve ve an lo thleng baw a. Tin, ngen nachang

pawh kan lo hriat lem loh Zoram Drivers Union ten Ambulance pahnih an rawn thawh bawk a. Health Minister zahawm tak Pu Lalrinliana Sailo hovin Doctor leh Nurse ten hmanraw mamawh leh tul dang te keng in an rawn thleng chho bawk a. Aizawl District bawhsap aiawh Addl. D.C Pu J. Hmingthanmawia leh Police hotupa DGP hovin Police Officer lian ber ber te an lo thleng a, Kohhran hrang hrang hruaitu te leh NGO hrang hrang hruaitu te ralna leh tanpuina thilpek nen an lo lang zut zut bawk a.

Kan han thlen hi chuan he chhiattawhna a mitthi leh hliam zawng zawng te an lo la chhuak vek tawh a. Mitthi te chu Keifang Community Hall-ah an lo dah khawm a, Saitual, Keifang leh Rulchawm YMA Branch ten kuang an thawh khawmah an lo dah fel vek a. Hliam te chu Saitual damdawiinah Doctor leh Nurse ten an lo buaipui a. Aizawl lama kalpui ngai te chu a rang thei ang a thawn turin an lo buatsaih a. Ambulance kan thawn chhoh hmangin zing dar 9 hma in Saitual atangin Aizawl lamah thawn thlak vek hman an ni. Mithi te hi an chhungten an finfiah hnuah Police inquest leh post mortem leh a tul dangte tih fel hnuah anmahni khaw lam theuhah chawhnu dar 1 hmain thawn fel vek hman an ni bawk.

He bus-a chuang te sawi dan in thawk leh khatah helai hmun Keifang atanga Champhai lam km 2 vel BRTF quarry zawn a an tlan lai tak hian chhak lam ko sang tak a lei leh lungte chu a rawn chim thla thut a, bus rawn delh nghal in kawng thlang lam kham sang takah a hnawl thla ta a, meter 200 vel zet a lum thla ta a, bus pawh hi a chhe hneh hle a ni.

He thil thleng hriat anih veleh hian Pi Lalsangpuii, SDO (C) Saitual leh a Staff-te bakah Saitual Police OC leh a Staff-te leh Saitual Group YMA, Town Area VC te leh NGO dang dangte nen Mizo tlawmngaihna dik tak nen he chhiattawhnaah hian engkimah sul an lo su a. Keifang khua leh a chhehvel a NGO hrang hrang te, Village Council te leh Kohhran hrang hrangte inpekna leh tanrualna a ropui hle. He chhiat tawhna avanga thi leh hliam te hi zan thim hnuaiyah leh lung tla reng mai hnuaiyah mahni nunna thapin chhanchhuahna hna hi an thawk a, thenkhatte phei chuan hliam tenau te pawh an tawh phah hial a ni. Khawvar hmain chhanchhuahna hna an thawk fel vek hman hi an fakawm takzet a ni. Tin, 2nd Batallion Khawzawl te pawh mi 60 chuang lai an lo chhuk thla bawk a.

Tanpuina leh ralna pe duh ten an pek theih nan Saitual Group YMA leh Keifang Joint MHIP ten hmun hniah dawhkan an siam a, he tanpuina lut khawm atang hian mithi te hi Rs. 4000 theuhin ral an ni a, hliam tuar Aizawl Civil Hospital-a admit te hnenah Rs. 2000 theuh pek an ni bawk. Tin, Central YMA-in mithi an chhungte dawngtu tur awm chu Rs. 1000 zelin an ral nghal bawk a. Hriattir anih angin Champhai DC-in a District chhung a mithi te an khua theuh thlenpui nan lirthei a rawn ruahman a. Champhai, Khawzawl leh a chhehvel a NGO leh mimal in phal te an lirthei nen an lo thawk bawk a. Vanduaithlak takin heng mi tlawmngai zing a mi Lalbiaknunga, Khawzawl Kawnzar veng chu he chhiat tawhna hmun an rawn pan lai hian a chuanna motor atanga tlain hliamna tak a tuar a, Aizawl Civil Hospital panpui a ni nghal a, ani pawh hi a boral zui ve nghal a ni.

He vanduaina thlengah hian kan Chief Minister zahawm tak Pu Lal Thanhawla'n ralkhat atangin min vil reng a, Aizawl Civil Hospital-ah Minister zahawm tak Pu Zodinluanga, Deputy Speaker zahawm tak Pu John Rotluangliana leh Lunglei High

Power Committee Vice Chairman Pu Joseph Lalhimpuia MLA ten hliam tuar thawn thlakte an lo buaipui a. Kohhran leh NGO hrang hrangte leh mi tupawh he vanduinah hria apiang te inpekna leh thilphalnaah hian Mizo nih a hlutzia a lang a. Mi thenkhat ten mi vanduai a chung a Politics a hamthatna lak an tum mek lai leh Mizo tlawmngaihna pawh chuai hial tawh a sawi a nih laia, Mizo tlawmngaihna par chhuak hmuh tur leh chan tur la awm hian Mizo nih hi a ti nuam leh thin a ni.

Mizoram Sorkar Pu Lal Thanhawla kaihhruai chuan he vanduinah lo thleng hi pawh a ti takzet a, Pathian in lusun chhunge thlamuan in awmpui sela hliam tuar te pawh an dam chhuah leh vat a duhsak a ni. He vanduinah avanga nunna chante leh hliam tuarte chungchangah hian Mizoram Sorkar chuan a tih tur ang te a ti zel dawn a ni. He chhian rapthlak tak thlen chhanah hian tumah thiam loh tur an awm lo. Motor that loh vang emaw, driver fimkhur loh vang emawa thleng niin a lang lo. Bus kal lai takin quarry chung lam atanga leimin nasa takin a hnawl vang niin mihringte dan theih loh khuarel “Deed of God” an tih ang chi a ni. He vanduinah hian a hmunah mi 17 an boral a, damdawiinah pakhat a boral leh a, hliam tuar mi 16 an awm a, hliam tuar lo mi 2 an awm bawh a ni. He chhian tawhnaah hian Saitual Police Station-ah Unnatural Death Case no. 4/2012 ni 21.7.2012 under section 174Cr PC Register a ni. He chhian tawhna a boralte chu :- Lalsangliana Sasaa ti a koh bawh handyman Pu Rozama fapa kum 28 Bawngkawn chhim Veng, Pi Lianhmingthangi kum 34 Pu Lalthlamuana fanu Tualcheng, Vanlalthuami kum 10 Pu Lalrinthanga fanu Tuipui, Johny Zonunmawia Driver kum 24 Pi Lallungawii fapa Khawbung, Zoruatpui kum 13 Pu Vanlalzara (L) fanu Champhai Rashi Veng, Lalrammawia kum 49 Pu C. Chawngthuama (L) fapa Champhai Vengthlang, Samura kum 65 Pu Bualzama fapa Tuipui, Khumlina kum 30 Pu Thuamlina Changelzawl Myanmar, Lalramthari kum 18 Pu Lalthlengkima fanu Khawzawl Vengthar, Thiamchawipari kum 30 Pu Lalzawnga nupui Champhai Electric Veng, Rothangpui Kum 70 K.C. Chawngthuama (L) nupui Champhai Vengthlang, Pu R. Ramfangzauva kum 50 Pu R. Biakzama fapa Champhai Bethel Veng, John Lalruatdika kum 29 Pu Daihzauva fapa Bawngkawn, Vanrokimi kum 28 Pu J. Lalruatdika nupui Champhai Kanan Veng, Steve Lalmuanpui kum 9 Lalmalsawma fapa Bawngkawn Chhim Veng, Narul Islam kum 53 L.T. Sundar Ali a fa Gulchera Karimganj, Bablu Majundar kum 41 C.S. Majumdar a fapa Kolkata, Md Abad Uddin kum 26 Khalamir (L) fapa Karimganj.

Tin, hliam tuarte chu :- Lalmalsawma kum 29 Pu Zokaia fapa Soil Quarter Champhai hei hi Aizawlah refer nghal a ni a, H. Zathanga kum 67 Ginmanga fapa Champhai Kanan veng Aizawl a refer nghal a ni a, Lalthlanmawii kum 39 d/o Thangsaia Champhai Rashi Veng Aizawlah refer nghal a ni a, K. Vanlalrema kum 24 Pu Kawlchhawna fapa Churachandpur, tuna a awmna Govt. Complex Luangmual Aizawl, Aizawlah refer nghal a ni a, Zonunsanga kum 19 Pu Lalchhuanmawia fapa Champhai Vengsang Aizawlah refer nghal a ni a, Eric Lalbiakduhzuala kum 8 Pu Zorama fapa Champhai Electric Veng Aizawlah refer nghal a ni, A.K. Singh kum 23 Bihar tunah a awmna mek Khatla Aizawl, Aizawlah refer nghal a ni, Abdul Hakim kum 31 Pu Amusil Ali fapa Lamajhar Karimganj Aizawlah refer nghal a ni, Husein Kum 24 Pu Raju Ali fapa Karimganj tunah address Khawzawl Vengthar, Aizawlah refer nghal a ni, Alam Ali kum 21 S. Uddin a fapa Uddarban Silchar, tunah address Champhai Aizawlah refer nghal a ni.

Tin, Saitual Hospital atanga discharge theih nghal mai, First Aid pek a discharge theih nghalte :- Zomuanpui kum 3 d/o Pi Malsawmtluangi Hmunhmeltha Champhai, Malsawmtluang kum 24 d/o K. Zoliana Hmunhmeltha Champhai, Zothanmawii kum 4 d/o Pu Dengthuama Hmunhmeltha Champhai, Pu Dengthuama kum 24 s/o Pu Vanlalthuama

Hmunhmeltha Champhai, Lalhlenglima kum 41 Pu Saitawna fapa Khawzawl Vengthar hemi te hi Saitual Hospital ah First Aid pek a chhuah leh nghal (discharge nghal) an ni a, tin, Daniel Bawithanga kum 8 mi Pu Lalzawnga fapa (a nu Thiamchawipari, Champhai Electric Veng hi accident-a boral) a nu ruang thawn chhoh rual hian Champhai Hospital lama lo enkawl zui tur a thawn chhoh nghal bawk a ni. Hetih lai hian vanneithlak takin hliam tuar lote mi pahnih, Thangneihpara kum 11 Champhai Kanan Veng leh Salim Uddin Karimganj tuna address Champhai te hi an tel bawk a ni.

SPEAKER : Khati kha a ni a, sawiho tur pawh a ni chuang lova, a vanduaithlak in a pawh tak meuh meuh a ni, vawiinah hianin kan member-te zinga lo kal thei lo Pu B. Lalhlengliana a ni. Tunah chuan laying of papers kan lo ko ang a, Pu Liansailova'n a Budget Speech ami correction House dawhkanah rawn lay sela, lo ko ang.

Pu H. LIANSILOVA, MINISTER : Pu Speaker ka lawm e, he House zahawmtakah hian correction of Budget Speech hi ka rawn lay a, tin, he correction of Budget Speech hi Budget kan present nia kan chhiar chhuah takah kha chuan a correct kan tih hman avangin a correct figure ang khan rawn chhiar chhuah a ni a. Amaherawhchu member-te copy-ah khan tihfel hman anih loh avangin he correction, budget speech hi House zahawm takah hian ka rawn lay a ni. Ka lawm e.

SPEAKER : Le, a copy kha han sem rawh ule. Tikhanin lehkhabu in rawn kenah khan, a buah khanin tlar pawh tlinglo figure han thlak zeuh chauh kha a nia, a harsa lova. Financial Business-ah kan lo kal ang a, ni 16.7.2012 thawhtannia kan Finance Minister zahawm takin a pharh tak Budget kha vawiin niah hian kan sawiho tan ang a. General Discussion a ni a, zau deuh takin a sawi theih turah ngai ila. Amaherawhchu kan thu sawite a ngaihnawm zual nan khami a Budget Speech lam pangah khan tlemin in confine thei ta ila chu a tha awm mang e aw Chair lam atang chuan ka'n ti a. Member ten zalen takin kan sawi ho ang a, minute 15 hi chu a tawk mai ang tiru? A aia sei lutuk kha chu kan buai leh zo ang a, minute 15 in pe ila, minute 13-ah khanin warning bell in pe ila, minute 15-ah kha chuan inkhungkim ngei tum ila. Tin, hemiah hian minute 15-a kan duh tawk kan sawi hmanlo anih pawhin khami demand kha kan la sawiho leh dawn a, chungah te pawh chuan hun neiah in ngai ilangin. Tunge han sawi hmasa dawn le, minute 15, minute 13-ah warning bell Pu R. Lalrinawma.

Pu R. LALRINAWMA : Pu Speaker, ka lawm e, hei Budget tha tak mai kan Finance Minister zahawm takin a rawn pharh a, a lawmawm hle mai a. Tin, kan beisei thin performance budget te, work programme te a rawn tel thlap a, a lawmawm ka ti a, he Sorkarah hian hmasawmna ropui tak niin ka hria. A lawmawmna em em chu kan Annual Plan cheng vaibelchhe 2300 lai mai an ni chho hi a lawmawm ka ti a. Tute tawngkam emaw han hawh ila, nuai hlira chheh a nuai hnih leh singthum a ni a, a tlem lo hle a ni. Hei Budget Speech-ah hian a lo lang a, European Countries-ah te leiba avanga sum leh paiah tlakchhiatna nasa tak a thlen lai leh Middle East lamah te nichina question hour-ah pawh kan sawi lan gas a kan harsat phahna pawh Middle East lam buainate tihte pawh kan ngaihlak ang khan, Politics a buaina nasa tak a awm a. TV-ah te kan lo hmu thin a, heng a thlen lai leh heng hian ram chung India ram pumpui economic-te pawh a nghawng laia kan sorkarin a Annual Plan, he Mizoram Sorkar a awm hnu a a punna sang ber an han pharh thei hi a lawmawm ka ti a.

Tin a hmain Vote on account ten kan lo kal a, tunah regular budget kan han sawiho thei tur hi a lawmawm a. Amaherawhchu regular budget a awm loh avanga heng Plan Fund a tlai avang hian nghawng theihthe a nei a development kawngah, amaherawh chu kan Finance Minister zahawmtakin a speech-ah hian heng ang te a hun takah, dik taka hman anih theihna tura tanlak a tum thu member te hma ah an sawi chhuak hi a lawmawmin ka hria a, hetiang plan sum kan pass tawh hnu hian sanction tih kual vel Finance leh Planning Department-ah te a rei thin a, chu chuan development hna tam tak hi a ti muang thin a ni tih hi budget session dangah te pawh kan sawi thin a, chu chu kan Finance Minister zahawmtakin a hun takah dik taka hman a nih tur thu a rawn sawi hi a lawmawm ka ti a.

Tin, thil lawmawm em em chu NLUP atan cheng vaibelchhe zahnih sawmthum pali atanga 370-ah an chho dawrh mai a, hei hi a punna hi 58.12% in a punga hei hi thil lawmawm tak a ni a, mipui te... (SPEAKER : Chair kan han inthlak lawk ang e) Pu Deputy Speaker, mipui ten he sorkar kal tawh hrang hrangah cheng vaibelchhe tam tak tak pass a ni a, mipuite kut a thleng ve lo a ni, mipui te chanai hi a tlem ani kan tih thin lain tunah mipui te kuta thleng tur cheng heti zat lai mai vaibelchhe zathum sawmsarih lai chu kum hmasa te aia a punna pawh 58.12% an ni chho te hi a lawmawm a. Hemi chauh hi nilova RKVY atanga cheng vaibelchhe sawmli convergence-a NLUP-a hman tur a lo ni dawn a, chu nen phei chuan cheng vaibelchhe 410 mipuite pual liau liau a awm chho hi lawmawm ka ti a, hei hian beneficiary a hma kum hniha NLUP dawng tur mi singkua za sawmthum pakua lo thlan tawh bakah mi singhnih sangkua zariat sawmruk pakhat te tun Financial year chhunga beneficiaries thar an han awm leh tur hi a lawmawm a, tichuan a vaia belhkhawm nuaikhat singhnih, kha a cover thei tawh dawn a ni. Hei hi base line survey YMA leh MHIP te leh khawtlang hruaitute nen a tute nge NLUP a tanpui ngai ti a uluk taka base line survey Mizoram pumpuaia tihin chhungkaw nuaikhat singhnih hi cover tura tih a ni a, hei tuna kan budget pass turah kan han cover chiah thei tur te hi, a thutiana ding thin kan House Leader zahawm tak kaihhruaina a ni a, a lawmawm a, NLUP sawiseltu ten a sem theihloh an tih kha tunah chuan budget-ah Chiang takin a lo lang a, he House-ah kan han sawiho tur te hi a lawmawm ka ti a ni.

Tin, MLA fund pawh nuai sawmthum a lo ni chhote hi thil tangkai tak sorkarin a ngaih pawimawh MLA ten kan bial chhungah Sorkarin hma a lakna kawng hrang hrang awm baw mahse, sorkarin hma a laklohna kawng tamtakah vantlang mamawh, mipui mamawh asset siam nan te, heng MLA fund te hi tangkai taka hman a ni a, tunah an pung ta te hi a lawmawm ka ti a, duhthusam phei chuan kan sum dinhmun ten zir se hei aia pung turin kan sorkar pawh hian a duh ngeiin ka ring a, amaherawhchu kan sum dinhmun a zira tuna an han ti pung chho hi a lawmawm hle a.

He budget-ah hian thil thar lo lang Zoram tana lawmawm em em chu District Planning Committee, District panga tan cheng nuai zanga alo awm ta a, Lunglei District tan nuai zaruk a awm baw a tin, a dang District panga tan nuai zanga district tinah nuai za theuh ni turah kan ngai a, Pu Deputy Speaker backward areas region grant fund tihte, BADP (Border Area Development Programme) tihte nei ve lo heng ram laili Constituency-te tan hian thil tangkai tak a ni a. Ramri leh border areas-ah te development he sorkar hian nasa takin a kaltir a, a hranpain fund a awm a, chunga fund awm ve lohna Aizawl khawpuite leh a chhehvelah te hian heng hi tangkai taka hman theih tur a ni dawn a. Lunglei tan nuai 600 a awm te hi he sorkarina chhimlam tih hmasawn a tumzia a lang Chiang hlein ka hria a. District Council Area, Lai leh Mara leh Chakma te a hranpain sum tam tak ruahman a ni a. Lunglei High Power Committee-ah Lunglei District hmasawna turin nuai 600 a dahte hi he sorkar hian ram kilkhawr ber pawh a ngaihsak a, tih hmasawn a tum a ni tih hi a langin ka hria a.

Chubakah chuan Sialkal tlangdung Development Committee tan cheng nuai 50 dah a ni te hi thil la awm ngailo a ni a, thil lawmawm tak a ni a. Tin, hei Budget speech a lo lang sokar chu mipui tana thawk a ni a, mipuite sorkar a nih angin, mipuiten an lungawilohna an thlen theihna tur, an lungawilohna an thawidamna tur system thar “Mipui Aw” tih he sorkarina February 29, 2012 a an hawng ta te hi thil thar lawmawm tak leh kan ram hmasawna pawimawh tak a niin ka hria a, a lawmawm ka ti hle a.

Tin, Industry hmasawna turte sawi tel a ni a. Industrial Development Area, Zuangtui Industrial Estate-ah te, Export Promotional Industrial Park, Lengteah te, Industrial Growth Centre, Luangmualahte heng hi tih hmasawn tum a ni tih Finance Minister speech a lo lang hi a lawmawm ka ti a. Chutihruah chuan Pu Deputy Speaker, Zuangtui Industrial Estate chungchangah hian, sawlaia plot neitute saw Congress sorkar hmasa lam 1986 vel atanga din a lo ni tawh a. Tichuan mi tam takin plot neiin Small Scale Industry kan tih ang te an lo din chho a. Chung chu an dinhmun te vawiin thleng hian harsatna eng eng emaw an la tawh a. Hemi chungchang hi kan session vawilina 15.10.2009 – 28.10.2009 a kan neih tum, Industry Demand sawihonaah ni 21.10.2009 khan ka sawilang tawh a. Amaherawhchu vawiin thlengin harsatna an la tawh a. He House zahawm taka Member ten kan ngaimawh kan sawi hi thlalara aurawl tluk pawn min ngaihsak lo em ni? tih kha ka ngaihtuahna a ni a. Allotment thar tih tur tiin dilna kumtin tih a ni ringawt mai a, sawngte saw an tan harshment nasa tak a ni. Industry kan ti changkang dawn a nih chuan Industry dintute tanpuina Department-ah sum tam tak ruahman a ni a. Sawng Industrial Estate-ah sawn infrastructure tul ang te pakhatmah tih a la ni si lova, Estate kan nei a, ram an allot a ni mai a, chuta tan chuan tuna an thuchhuah thar berah pheih chuan kum 10 atan allotment fee per sq. mtre-ah chengza tih a ni a, chu chu kum 10 atan allotment tur a ni a. Tichuan annual fee-ah per sq.mtre cheng 16 tih a ni a. Heng ang kan chawitir vak vak hian Industry harsa taka lo din ve hram hramte chawikan kan tumte atang hian Department hian sum hnar siam a tum em ni tih hi ngaihtuah theih tak a ni a. Lengte ramah thir sawngbawlna tur tunhnai lawkah pek an ni a, kum 99 a tan, chu chu tihhniam a ni leh tawh a, kum 25 a tan em ni? Chutah keini ram leilung fate Zuangtui Estate a ram neitute chu kum sawm atan chu pawh allotment fee per square metre-ah Rs. 100 lai, annual fee-ah per square metre-ah Rs. 16. Khang ang kha sorkar hian hetiang em em lo khan a tih theih lawm ni? Hetiang hian em ni Industry tihchangtlun kan tum, Industry a eizawngte tihmasawn kan tum a nih chuan tih a kha he general discussion-ah hian kan sawi lang leh duh a.

Tichuan, nichina ka sawi ang khan kan sorkar hian chhim lamte hmasawna turin nasa takin hma a lak rual hian Budget speech-ah Central-in Look East policy a kal pui a, kan State-te hian kan la chhawr dawn a ni tihte a lo lang a, churang chuan he sorkar pawh hian Look East policy angin Aizawl East lampangte pawh hi, Look South ang lampang ringawt nilova, Look East lamte pawh hi hma a lakte pawh hi a hun ve tawh lawm ni? tih kha ka'n sawi lang tel duh bawh a ni. Pu Deputy Speaker ka lawm e.

DEPUTY SPEAKER : Le, tunge sawi leh ang le? Sawi tur in awm dawn tawh nange, aw Pu Robiaka.

Pu LALROBIKA : Pu Deputy Speaker, ka lawm e. Hei kan Budget speech ropui tak mai vawiinah sawihona kan han thleng hi vannei ka inti hle a. Vawiinah hian sawi tur a tam khawp mai a. Hetiang khawpa efficient Finance Minister kan han nei te leh a ruahmanna atana a nachang hria Chief Minister zahawm tak kan han neite hi Zoram pum hian kan vannei a ni tih hi kan inhriat a thain ka hria a. Sawitur tam tak a awm a,

amaherawhchu, chutih rual chuan kan sawi hmasak duh chu, kan Budget present-a kha a tha hle mai a.

Tin, Work Programme-te felfai takin kan ti a, chutih laiah erawh chuan ka'n sawi lan hmasak duh a chu kan Work Programme 2012-13-ah khan pheh 28-ah khan Sl. No. 22-naah Tourism hi an siam ve thei lo em ni, Tourism hi a awm miah lo mai hi, lehlamah nasa takin hna an thawk si a, chutih rual chuan Nil han nih rikngawt mai ang hi a va tha lo e aw! tih kha ka'n sawilang ve duh hrim hrim a ni. Tichuan, sawi tur a tam khawp mai a, kan Plan Budget-a kha kha ti zat kha kan nei a, kum dangte en pheh chuan sawi nep theih a ni lo a ni. Bang thlang thiah a bang chhak vuah rik ngawt ang kha chu a ni lo a ni tih kha ka'n sawi duh a. A bik takin kan Budget hian kut hnathawktute, miretheite fairelbel a khawih a ni. Harsa zawkte, kuthnathawkte, wawiinah hian in ta tur hetah hian a awm a ni tih hi in hriat ka duh a ni.

Tichuan, a bik takin ngaihpaawimawh bik tura he kan Budget ina an rawn tihlan hi sawi ka'n duh a. Priority Sector-ah hian NLUP atana kan Budget chu kum 2012 - 13-ah hianin crore 370 lai mai a ni a, tin, a punna percentage pawh hi 58.12% a nite hi a lawmawm hlein ka'n hria a. Hetah hian mi tam tak, a sawisel leh 'an sem thei lovang' ti a, tai pawng pawnga tawng thin te, wawiinah chuan a dawng duh leh a rui rui an ni tawh a ni. Chuvang chuan helai pawh hi mipuite in ta tur, mirethei leh kuthnathawktute ta tur Budget-ah hian tlang lian tawh a awm a ni tih inhriat atan Mizoram mipuite kan hrih duh a kan sawi ve duh a ni.

Tin, ruahmanna kal chho zelin tam tak pek a ni tawh a. A thente chuan he NLUP-ah hian singkua te, nuai khat chuante an dawng tawh a ni. Sorkar lokal tawh leh kan hnunga sorkar lokal tawh zawng zawngah khan mipui budget, mipui ta tur a awm ngai reng reng lova, a awm ve tur anga beiseina awmhnai berah chuan kan hma sorkar kaltaah khan MIP an ti ve a. Keini kan bial bikah pheh chuan khaw hnih khatin chutah pawh family 2 leh 3 tih bawr vel lek lek in an la ve a. Chu pheh chu a khua a khuaa hriatlohna a tam zawk a ni. Chutiante chu a ni a, wawiinah chuan khaw te tak te te kan tih leh a minority area a ni emaw, tute pawhin an ta tur a ni tih an hria a, hlawhtlin pui ngei an tum a. Chutiang chuan, tunah hian an inpuahchah mup mup a ni.

Kan MLA Local Area Development 20% a an pung ringawt te hi a chhinchhiah tlak hlein ka hria a. Sorkar, a bikin kan plan hrang hrangte leh department ngaihtuahna leh plan-te hian mipui a nawlpui min hrut kim hlei thei lova. Chutih rual chuan chungte hrut ve theihna tur atana heti zat mai pek belh kan han ni hi a lawmawm hlein ka hria a. Amaherawhchu, duhkhawp erawh chu a ni lo a ni tih erawh chu han sawi tel hram ka duh a ni. Tin, chu mai piahlah chuan, State Annual Plan atanga ngaih pawimawh tur chi hrang hrang kan han neihah khan (Border Area Development Programme) BADP kan han tihah 40.72 crores dah a ni te, RKVY kan han tih ang chiah te, a dang a tha vekna chungin a zawng zawng kan sawi seng lovang a. Khatiang ang han dah angte kha wawiinah hian mi retheite, Kut hnathawktute budget dik tak a ni tih hi mipui te leh helai lokal khawmte pawh hian sawi hnawm duh hrim hrim kan nih loh hi chuan a tha a ni tih mai hi kan Amen tlan hi kan tih tur a niin ka ring a ni.

Tin, hei a bik takin district hrang hrangte tanpuina bik, he ram, he state-a awm tawh hnua la awm ngai reng reng lo, tute sawidan takah emaw, 'tuilet hnuah hetiang hi a la awm ngailo' an tih ang deuhin wawiinah chuan Lunglei High Power Committee tan Rs. 600 lakhs dah a ni a. Tin, District Planning Committee hrang hrang Aizawl District te, Champhai District, Mamit District, Kolasib District leh Serchhip District te tan Rs. 500 lakhs lai dahte hi

'a va ropui em!' ka ti a ni. Chu mai piahlahmah chuan Sialkal tlangdung, a bik takin hmasawnnaina a thlawhkhum tlangdung duhsak bikna he sorkarin a nei a. A hmingin ni chauh mahsela hei hi a bultanna ropui tak anih ka ring a. Cheng nuai 50 lai mai a dahte hi lawmawm ka ti a ni. Hetiang chi chi hrang hrang, he ramah hian mi rethei bikte a district-ah a ni emaw, a khua a ni emaw, ropui bik leh sorkarina a duhsak bik a awm lova. Kan vaiin inang khatin min duhsak a ni tih piahlahmah a hnufual deuhte min han duhsak leh zel thin te hi a lawmawm ka ti hle a. Hetiang sorkarina ruahmanna an neihte hi Pathian programme ni hialin keichuan ka ngai a ni. Chutiangte chu a nia, sawi tur a tam khawp mai a.

Tin, a bik takin Agriculture & Allied Activities-a Rs. 504.88 crores lai mai han dah te a lawmawm hlein ka hria a. Nikum lamah khan buh thar a tam theihna turin tan i la teh ang aw tiin nasa takin kan hotuten ruahmanna an rawn nei tawh a. Thenkhat chuan an sawi hnawm hle a. Amaherawhchu, chutih rual chuan nikuma kan buh thar chu tam viau lo mahsela, nasa takin a pung a ni tih kan hria a ni. Kuminah pawh hian chutiang bawh chuan nasa zawkin a pung ang tih ka'n ring a. Chutih rual erawh chuan term hmasaah kan House Leader lo ni tawh te chuan an sawi kan la theihnghilh lovin ka ring a. "Chief Minister ni tawh reng rengin an lak ngam loh Horticulture leh Agriculture, he ram kum 3-a intodelh theihna tur atan tiin he Department an lak ngam loh hi ka la chat a ni. Chuvang chuan kum 3-ah hian kan intodelh ang", tiin an sawi thin anih kha. Amaherawhchu, kum 3 a lo nih chuan chung hote chu tute fiamthu angin 'keimahni alawm intodelh ang' tih ang deuh khan, anmahni an intodelh a. A mipuite chu kan intodelh hran lo a ni tih hi Zoram khawvel hian a hria a ni. Vawiinah hian Agriculture leh Allied Activities-ah heti zozai mai a'n awm hi lawmawm ka ti a. Tin, nasa zawk leh khatiang anga a Department-a hmangtu turte pawhin fimkhur taka he in hnathawhna te, kan lo awm vena te, chutiang chuan kan Pathian hnathawhna a ni tih hre chung zela hna kan thawhin hlawhtlinna kan hmu ngei ang tih ka ring bawh a ni.

Tin, chutih rual chuan Industries bikah hian Rs. 93.84 crore a awm a. Hei hi kei ka lo hmuh dan chuan a beitham ka ti hle a. Industries-ah hian nasa zawka hma la tur kan nih rual hian tun ang dinhmun lek mai han nih hi hotute ruahmanna dan hrethiam lo mah ila, a beitham ka'n ti deuh a. Engpawh nise, thil hi tha tak leh dik taka kan tih chuan hlawhtlinna a awm a ni tih hi kan hriat atan ka'n sawi duh bawh a ni.

Tin, ka'n sawi leh duh chu Youth Services Department, Ministry of Sports chungchangah hian duhsakna nasa tak kan sorkarin a nei a. Vawiinah hian project chi hrang hrang Rajiv Gandhi Stadium tih te, Pitarte Tlangah tih te, Lungleiah chuan Thuamluaia Mualah phul lem phah a ni leh ta tih te, Kawnpuiah chuan phah a ni leh ta, chutiang khatiang tih kan hre seng meuh lo a ni. Chutiang khawp chuan he sorkar hian hma a la a. Tichuan, nikum aia a budget pawh hi 31.05% in a'n pung dawrh mai te hi thalaite tan he sorkar hi a ding a ni tih hi hai rual a ni lo a ni. Chuvang chuan, tute hi nge a hun taka che thin tih hi mipui ten kan ngaihtuah fo a ngai a ni. Tichuan, tuna ruahmanna danah chuan Mizoram Sports Council-ah Rs. 400 lakh earmark a ni a. Tin, tuna Ramhlun Indoor Stadium atan Rs. nuai 100 han dah te, hetiang hi kan sorkar kal taah khan kan hmu lo a ni. Chuvang chuan, vawiinah hian kan hlawhtlinna chi hrang hrang han hmuh hian a ropui ka ti a. Kan Finance Minister-te piah lamah kan Sports Minister-te an active zia te, kan thalaite suala kal mai thei tur te sports hmangin tihian kan chhanchhuak mek a ni a. Chhanchhuah mai ni lovin, heng kan sportsmen chi hrang hrang hian kan ram an ti ropui a, an chawimawi a. Chu mai piah lamah chuan eizawna tha tak an la nei zui a ni. Tin, Sports incentives hrang hrangte nikum lamah khan keipawh a semnaah te pawh ka tel ve zeuh zeuh thin a. Chungahte chuan kan sportsmen-te nasa takin hmasawna an neih tawh zia te kan hmu thei a. Tin, chu lovah chuan, promotion of visual arts Budget-ah reng reng hian Mizoram khawvelah hian hetiang la tel

ngailo rawn telhna chang hria kan nei zelte hi a lawmawmin ka hria a. Pawisa chu tam lua lo mahse hetiang chi hrang hrang, interest, hobby hrang hrangte kan lo nei a, chung kan tuina anga kal thei tura Mizoram kan inpuahchah chho te, encouragement ropui tak kan han nei te hi a lawmawm hlein ka hria a. Sawi tur a tam khawp mai a.

Pu Deputy Speaker, Power chungchanga he sorkar hmalakna tur chhawpchuah te. Tin, building hrang hrang State-in a ngaih pawimawh hrang hrang han chhawpchuah ang chi te han hmuh hian a lawmawm khawpin ka hria a. Tin, heng Infrastructure Development atana pawisa chi hrang hrang dah te hi a chhuanawm hlein ka hria a. Construction of various buildings under State project atana Rs. 23.67 crore dah te, Fire Station atana dah te, Police Station, Jail chungchangah te, State Guest House han renovate-na tur atana hetiang zat kan han dah thei te a ropui hlein ka hria a. Heng zawng zawngah hian he sorkar hi belh tlak tak tak anih zia te a lang a ni. Tin sorkar kal tawh zawng zawngin an tih ngamloh leh an tih theih loh ang chi tam tak tih tura chhawpchuah tak a te hi a lawmawm hlein ka hria a. Abik takin mirethei leh mi chhumchhia zawk te chawikan a an lo awm ve na tur leh khaw eng an lo hmuhna tur atana budget vawiina pharha a lo awm ta hi a lawmawm ka ti a. He budget hi 'mipuite ta, mipuite tan' democracy define-na ang deuh khan 'mipuite ta' a ni tih hi ka'n sawi duh a. Kan hotute hetiang ngaihtuahna nei thei a siamtu Pathian vawiinah hian ka fak baw a ni, ka lawm e.

Pu S. LALDINGLIANA : Pu Deputy Speaker, kan Finance Minister Budget Speech han chhiar leh a bu pui zawkte en hian lawmna tur a tam hlein ka hria a. Vawiinah hian tarlan chak tak tak ka nei a, Amaherawh chu hun a tlem avangin ka tarlang vek hman dawn lova. A hmasa bera ka'n sawiduh chu, kan Annual Plan, heti zat zet mai a nikum lam aia 35.29% laia an pung hi a lawmawm ka ti a. Hriat theih chinah chuan Annual Plan pun sanna ber a niin ka hre nghe nghe a, a lawmawm in ka hria a ni. Heti zat a kan Annual Plan a pung thei hian a tarlan chian em em mai chu Pu Lal Thanhawla kaihhruai sorkar policy leh programme hi Central Sorkar hian a pawmpui a. Tin, chumi piah lamah pawh kan Chief Minister zahawm tak pawh hi an duhsak zia a ti lang hian ka hria a, a lawmawm ka ti a ni.

Tin, a pahnihnaah chuan budget-ah hian Agriculture leh Allied Activities atan crore 504.88 lai mai dah a ni te. Tin kan sorkar flagship programme NLUP atan crore 370 zet mai dah a ni te hian he sorkar hi kut hnathawk tute hmangaihtu, anmahni dawmchhuah duhtu sorkar anih zia hi a tarlangin ka hria a, a lawmawm ka ti tak zet a. Tin, proposed allocation dang reng reng, heng Special Area Programme te, Irrigation & Flood Control tih te, Social Service Sector te thlir pawh hian sorkar ngaih pawimawh zawng a lang chiangin, huapzo sorkar anih zia hi a lang chiangin a lawmawm ka ti a. Tin, ka hmaa Member zahawm takin a sawi ang khan MLA Local Area Development Fund-te nuai 30 zet mai an ni chho ta te hi a lawmawm hlein ka hria a. Hei hian nasa takin MLA tin te mahni bial chhungah theuh hmasawna hna thawhna kawngah min tanpui dawn ani tih hi a chiangin ka hria a. Tin, hemi piah lamah hian Lunglei lama kan High Power Committee sum hman tur nuai 600 zet mai budget a dah an ni te bakah District hrang hrang dang a nuai 100 theuh mai hman tur a awm te. Sialkal Tlangdung Development Committee atana nuai 50 zet mai dah an ni te hi a lawmawm hrim hrimin ka hria.

Tin, Pu Deputy Speaker, Education bik han thlir hian a lawmawm leh zual hian ka hria a, hei hi kan buaina ber kha a ni a. Kan buaina chhan pawh zep thu a cheng lova, sorkar hmasain ruahmanna felfai tak, sum leh pai ruahmanna siam si lova school 300 chuang zet mai

inthlan dawn hnaihah a upgrade khan nasa takin min ti buai a. Zirtirtu hlawhah te pawh harsatna tam tak kan tawh a ni. Tunah erawh chuan School Education-ah te, Scholarship Board-ah te sum tam zawk dah a han ni ta hi zirlaite leh a thawktu tan pawh hian thawkna hawk a tlingin ka hria a, hei hi a lawmawm hrim hrim a ni. Tin, Pu Deputy Speaker, keini ang State rethei tan hi chuan kan sum hmuh zawng zawng za a sawmkua, a aia tam te pawh ti teh ang, Central atanga kan hmuh a ni thin a, hei vang hian Central sorkarin a min duhsak leh min duhsak loh hian kawngro hi a su nasa em em thin a. Tun sorkar bikah hi chuan a vanneih thlak a, he sorkar hian Central sorkar duhsakna a dawng nasa hle a, Budget Document Micro-Economise Filework statement-in a tarlan dan phei chuan kum tinin kan sum hmuh hi a pung zela, Grants evaluation of Taxes and duties atang te hian han en ta ila, kum 2009 – 2010-ah 2729.42 crores, 2010 – 2011-ah hian crore 3097.92 a ni chho a, 2011-2012 RE-ah 3706.23 a ni chho a, 2012 – 2013-ah phei hi chuan kan beiseina zat chu crore 4376.36 zet a ni dawn ta a ni, hei hi a lawmawm thlawtin ka hria a ni, Budget speech leh document atangin he sorkarin a sum enkawl na kawng, Financial management-ah mumal tak leh awmze neiin a kal anih zia pawh a chiang hle a, sum hrisel dan tarlangtu Fiscal position pawhin hma a sawn chho zel, entirman, fiscal deficit pawh a hniam chho zel, 2010-2011-ah chuan crore 499.60 a ni a, 2011-2012-ah RE-ah 490.86-ah a tla hniam thei a, kumin BE 2012-2013 ah phei chuan crore 265.62 ah tih hniam tum a ni leh ta zel a ni. Hengte hian Financial management-a he sorkarin hma a sawn zia hi Pu Deputy Speaker a tarlang chiang hle ah ka ngai a ni. Revenue surplus lamah pawh hian 2010-2011-ah hian crore 119.68 a nih laiin, 2011-2012 RE-ah chuan 193.66-ah a chho a, kumin a tarlan danah phei chuan crore 627.77 lai a ni ta nghe nghe dawn a ni. Heng te hi thil lawmawm a ni. Tin, he budget-ah hian kum dang budget an lohna tak pawh kan hmu a, Annual Plan hi pung viau mahse administrative expenditure provision hi a tam phah lem lova, hemi vang hian Department thenkhatte chuan office expenses leh thil dang provision-ah kum hmasa lam an phalo mai thei, tlemin harsat pawh an harsa hret mai thei a ni, kum hmasa ai khan, mahse Pu Deputy Speaker, thil lawmawm deuh chu hlawh lamah dah tam a ni a, skill based fund a tam a, hei hi sorkar hnathawk ni lemlo, a bik takin thingtlanga kan lo neitute leh kut hnathawkute tan sum tam kum a ni dawn tih a chiang a ni. Rualkhai zawkin budget hi kan hmang thei dawn tih alang a ni.

Tin, kan Finance Ministe budget speech atang khanin Revenue Receipt target chu kuminah hian crore 4796.48 a ni a hei hi nikum figure 3748.30 crore atanga a punna chu 27.96 % a ni. Hei hian chiang taka a tarlan chu sum lakluh kawngah sorkarin felfai takin hma a la dawn a ni tih hi Pu Deputy Speaker a chiangin ka hria. Chhiah lak atangte, chhiah awmsa rate tihsan emaw, rate awmsa hmanga kim taka chhiah hmuh tum te, a tul dan a chhiah thar duan te pawh a ngai mai thei a ni. Hemi atan hian mipuite pawh kan lo zirtir lawk, kan hriattir lawk a tulin ka hria a, chhiah pek hrim hrimte hi a tlangpui hian kan la hreh hle mai a, hei hi khua leh tui tha kan nih theihlohna chhan bul ber pakhat pawh a ni nghe nghe a ni. Sorkarin chhiah pek tur a siam a nih chuan rinawm takin a hun takah diktakin kan pe mai tur a ni. Tin, hemi chungchangah hian chhiah lak a ni emaw, a tul vanga tih pun emaw a nih hian politics-a hamthatna lak tuma lo inbeih ve chiam chiama, lo inham puar chiam chiam hi a tul ber lo, hetiang a kan tih thin hian ram pawikhawihna a tling a ni tihte pawh hi Party hrang hrang hruaitute hian kan hriat pawh a hun tawhin ka hria.

Tin Pu Deputy Speaker sawi tur a tam khawp mai a, mahse a tawpna ber atana kan sawi leh hram duh chu Border Trade chungchang hi a ni a, Finance Minister Budget Speech-ah hian Border Trade chungchang a rawn lang a, hei hi thil lawmawm tak niin ka hria a, Myanmar leh Mizoram insumdawn tawna, Mizoram sector atangin Zokhawtharah Land Custom Station peih fel vek a ni tawh a, hawn mai theih a ni tawh a ni tihte kan han hmu te hi a lawmawm hlein ka hria a.

Tin, Lawngtlai district-ah sawnin Govt. of India Look East Policy kan ti mai a, Kolodyne Multi-modal Transit Transport Project tihah sawn a tak taka kalpui mup mup a ni a. AOC atang sawn Zorinpui chhun turin tunah hian kawngpui double lane-a laih mek a ni. Saw kawng saw a sei zawng Km 99.8, km 100 vel tur a ni a, hei hi kum li project tur a ni. Pu Deputy Speaker, Zorinpuihian Land Custom Station siam turin tunah hian sorkarin ruahmanna a siam tawh a, a hmun turte pawh engkim a tifel vek tawh a. Zorinpui hnuaiyah chiah sawn Chhimtuipei lui a luang a, saw Chhimtuipei lui sawn, sawlai atanga km 100 vela hlaah sawn Myanmar lawngchawlhna Palettiva kha a va pawh tawh dawn a ni. Tichuan, he Government of India Look East Policy hmanhian Mizoram hian Bay of Bengal-ah chhuahka kan nei thei tawh dawn a ni. Hei hi a nghahhlelawm hlein ka hria a. A lo puitlin hunah chuan Myanmar leh a chhak lampang South-East Asian countries kan tih zawng zawng atang khian bungrua namen lovin a rawn tawhlhut dawn a. Hei hi a tlawm dawn bawk si a, kan ram economy hi nasa takin a chawi chho dawn a ni.

Tin, Pu Deputy Speaker, chumi piah lamah chuan thlanglamah Indo-Bangladesh Border Trade te pawh kal chhohpui mek a ni a. Budget Speech-a a lan ang hian sorkarin chak takin hma a la mek a, Kawrpuihuah Integrated Check Post siam turin a tul ang zawng zawng chu tunah hian tihfel thawkhat tawh a ni a, ramte pawh an mamawh zat pek a ni tawh a. Tin, DPR (Detailed Project Report) te pawh siam niin Ministry of Home Affairs-ah thehluh a ni tawh a. Ministry of Home Affairs atangin official te pawh lokalin a hmunah min rawn thlirpui tawh a. Helai pawh hi tun atanga rei lo teah tihpuitlin theih tura beisei a ni. Hetiang te a lo nih hunah phei chuan a bik takin chhim lamah phei chuan hmasawna a rawn lutin kan sum leh pai dinhmun pawh hi nasa takin a chawikang dawn a ni.

Pu Deputy Speaker, ka duhtawk dawn tawh ang a. Hetiang Budget tha, mipui huap ka'n tikher teh ang, a bik takin kut hnathawktute huap bik, sorkar hnathawk hlawha kal ral mai ni lo kan Finance Minister-in a rawn present thei hi a lawmawm ka ti em em a, ka congratulate a ni e. Ka lawm e.

DEPUTY SPEAKER : Tunge sawi leh ang? Pu K. Lalrinthanga i lo sawm ang.

Pu K. LALRINTHANGA : Pu Deputy Speaker, ka lawm e. Kumin Budget lawmawm tak mai sawihonaa ka tel thei hi lawmawm ka ti a. Kan Budget bu Finance Minister-in a rawn present phek 7-na kha kan en chuanin 'Consolidated Fund' nikum lama cheng vaibelchhe 4241.69 atang khanin 5179.93 ah a chho dawrh mai a, chu chu 22.12% in a pung chho ta a. Tin, kan Plan Budget phek 9-naa mi kan en chuan vaibelchhe 2300 a lo ni a, 35.29% in a lo pung chho ta a, a lawmawm hlein ka hria a, chu chu a hmasain ka han tarlang duh a.

Hetia Plan Budget General Discussion ka'n sawi dawn hian ka thinlunga lo lang chu kum 2008-a inthlan lai leh inthlan zawha Mizo mipuite thinlung kha sawi chhuah thain ka hria a. Mizoramah hian 'change' duhna thinlung lian deuh mai a awm a. Inthlan dawn khan kohhran hrang hrang an tawngtai a, Pawl ang tein. Mizoramah sorkar tha a awm theihnan an tawngtai a ni. Vanneithlaktakin Congress Party-in Pathian malsawmna an dawng a. Sorkarna kan siam hnu hianin thil tha tam tak a rawn piang chho ta a. Chuta Mizoram mipuiin an duh chu 'change' a ni, change, a tha zawnga thil inthlakthleng kha an duh a ni a. Chutianga thil a tha zawnga inthlakthleng a nih dawn chuan Mizoramah hian kan State Budget te hi hman that a ni em, ruahman that a ni em? Chutiang chuan tha taka ruahman pawh ni se chutiang chuan an kal em? tih te hi kan thlir a ngai in ka hria a. Chutianga a mipui

duh ang chuan tun sorkar kal chhovah hian Mizoramah hian change zawi zawiin a awm chho hret hret a ni tih hi he Budget General discussion kan sawi rual hian tarlan tha in ka hria a. Tuna kan han sawi tur atang hian a hriat mai awm e.

Hei kum 2011-12 Economic Survey of Mizoram, March thla a chhuakah khan thil lang reng mai chu phek 3-na kha lo en ta ila, economic thanna kha 10.09% a lo ni der mai a. Hetiang a nih lai hian India ram chung National Growth rate chu 6.9% lek a ni a. Mizoramah heti zat zat a thang thei hi a lawmawm a. Chu chuan kan hun kal tawh a thil awm dan atang khan thil inthlakthleng a tha zawng a thanna a awm chho a ni tih a rawn tarlang a ni. Helaiah hian 2007 atanga 2008 a kan thanna kha 5.5 chauh a ni a, 2008-2009 a kan thanna kha 6.4 chauh ani a. 2008-2009 kan thanna kha 7% ani a. Tin, thil lo lang leh ta chu kan Finance Minister-in a rawn tarlanah chuanin 2012-13-ah hian in GSDP thanna hi 10% in lo pungchho leh turah a tar lang a. Hetiang anih chuanin hun kal tawh aiin Mizoram sorkar hi GSDP-ah hian in kan thang chho nasa hle a. Thil inthlakthleng, a tha zawng a change a thleng chho a ni tih ka han tar lang duh a ni. Tin, thil dang a tha zawng a rawn intarlang leh chu sorkar hian pension-ah sum tam tak a seng ral a. Nikum September ni 10 em ni aw? lehkhawh khan a in zia a. Khatah khan pension dan thar te kha a rawn tar lang a. Chutah chuan kumin chung a pawisa sen tur kha 1.53% khan a tla hniam dawn a ni. Central sorkar pawhin pension avang a sum leh pai tam tak a sen thin avangin sorkar kal phung a ti danglam a. Tun hunah hian pension atana sorkarin sum a hman tur hi a lo tlahniam ta teuh mai a. Chuti anih chuan development work lampangah pawisa a kal belh thei dawn tihna a ni a, a lawmawm hlein ka hria.

Tin, thil dang pakhat leh chu phek 3-na kha lo en leh ta ila, Finance Minister Budget Speech hi lo en leh ta ila, 2011-13 survey a alan dan khan Service Sector Industry leh Agriculture and Allied Service-ah khan 60% zet mai economy thanna lo awm kha a ropui tak zet zet in ka hria a. Industry leh Agriculture and Allied Service a thanna nasa tak mai lo awm a kha ropui ka ti hle a ni.

Tin, thil dang lang leh chu phek 11 na en ta ila, Mizoramah kalkawng a thalo kan tia, nikum lamahte khan mipui kan phun nasa hle mai a. A chhan leh avang ni a lang chu tunhma in kalkawng siam that mumal loh a ni a. Tin, PWD-in BRTF atangin kalkawng an la thar baw a. Sorkar hmasa khan central sorkarah PWD-in an lak theih nan an zuk ngen tih kan hria a, Mizoram PWD hnuaiah BRTF kal kawng a tam zawk pek a lo ni chho ta a. Chutiang anih avang chuanin BRTF khanin enkawl mumal lohvin an lo dah a, kalkawng a chhe nasa hle a. Phek 11-na kha kan en chuan in kalkawng siam thatna tur atan Rs. 320.00 crore leh siamthatna tur atan Rs. 29.37 crore zet a rawn dah kha a lawmawm, hetiang sum leh pai dah a lo nih hian tunhma aia nasa taka Mizoram a kan kalkawng (a list tam taka te kha chu sawi lo mai ila) siamthat tur siamthat a lo ni ta hi Mizoramah hmasawna nasa tak a lo awm chho dawn niin ka hria. Lawmawm ka tih chhan han sawi ta ila entirman, ka bial chung Buhchangphaiah khuan NLUP atangin pa pakhat chuanin WRC a thlang a, chu WRC a thlanah chuan buh a ching a, a thar tho a, thlasik thlai atanah bean a ching leh baw a, bean-ah chuan 50 quintal a thar a, cheng nuaikhat vel lai nikumah leh kuminah a thar thei a ni. Chutianga bean tam tak a thar a chu engtingge a pawisa in a chantir theih ti a kan ngaihtuah chuan kalkawng kan neihthat vang a ni a. Kalkawngah (Aizawlah) whole sale a hralh turin awlsam takin an phurh theih tak vang a ni. Chutiang chuan, NLUP atang khan WRC-ah buh a ching a, buh a thar tho a, chubakah chuan bean-ah pawisa tam tak a dawng thei baw a, chutiang chuan hlawkna chu nasa tak a awm thei ta a ni. Chutiang te anih avang chuan kalkawng atana kan sorkarina ruahmanna sang tak mai cheng vaibelchhe 200 zet mai a hranpa liau liau a dahhran bakah 129.37 a han belh leh hi a ropui ka ti a. Thingtlang hmun

hrang hrangah te pawh kawng a lo tha ang a. Kan thlai tharte Aizawl khawpuiah leh hmun dangah, khawpuidangah te pawh hralh theihin a lo awm ang a, chutiang chuan hlawkna nasa tak a lo awm ang a, chu chuan, tun hunah hian Mizoramah thil tha lama change ropui tak a thlen a ni tih kha han tarlan a thain ka hria a, kan sawi ve leh a ni.

Tin pheik 12-na kha kan en chuan tunhmain Lunglei District Development atan sum leh pai dah thin a ni a. Tun hunah hian Mizoram District hrang hrang 5 te tan bultanna a lo awm chho veleh ta a. Hei hianin thuneihna insemzaina nasa takin a tarlangin ka hria a. Aizawl atanga thuneitutena an duh ang a hmala a, hmun an hriat lem loh lai develop-na tura sum leh pai an kal ral tir thin aiah decentralization of power kan ti anga, a hmuna awmte thuneitu hniam deuh zawk ten an hriat chianna hmuna hmasawna an pek theih dan tur kawng a lo in hawng ta hi lawmawm ka ti a, ka sawi duh a ni.

NLUP chungchangah hian tarlan ve leh ka duh a. Sorkarin tun sorkar term chhungin chhungkua 1,20,000 zet mai NLUP sum hmanga tanpui an tum a. Ka han tarlan hmasak lawk duh chu sorkar thar a lo pian khan Congress Party-in Manifesto a nei a, chu Manifesto bu chu Department hrang hrangah a sem ta a. 'Hemi mil hi kan kaldan tur chu a ni e', tiin sorkarin an hriattir a. Chutah chuan change a han thleng phawt a, chutiang chuan NLUP pawh implement a lo ni ta a. Tunah hianin hmun 3 a thena hmun 2 zet mai beneficiary te thlan a lo ni ta, mi 29861 lek thlan tur a lo awm ta a, nuai 1 leh sing 2 thlang chhuak turin manifesto angin kumin chhungin a bak zawng thlan tur tih a ni a. Sorkarin a tum angin hna a thawk thei dawn a ni tih kha a tarlang ta a, a lawmawm hlein ka hria.

Tin, thildang ka sawi leh duh chu corruption chungchang hi a ni. Sorkar pian hlim khan tunhmaa corruption nasa deuh avanga mipuiin harsatna an tawh thin a kha Change awm se tih kha mipui duh dan a ni a. Chutah chuan kan sorkar kal chho zelah hian kan hriat reng mai chu opposition party-in thingtlangah emaw, khawpuiah emaw an campaign reng rengin kan Minister-te corruption a inhnawh hian sawi tur hi an la hre lo nge an khek nge tunah chuan sawi rik a la ni lo a, a vanneihthlak a ni. Change ropui tak tunhma a mipuiin corruption nasa lutuk vanga nasa taka an tawngtaina kha a lo reh ta hi a lawmawm ka ti a, change ropui tak a ni.

Tin, Salary chungchangah hianin budget siam dawn khan kan Chief Minister zahawm takin a thuchhuah kha kan hria a. Department hrang hrang ten an hlawh tur daih budget an thehlut tur ni a ti a. Hun kal tawhah chuanin sum indaih loh avang ten sorkar hnathawk thenkhat ten hlawh lak tur an nei lova. Mahse tun budget session lo awm chhovah chuanin kan Chief Minister-in tumahin hlawh daih loh turin an siam tur a ni lo tih kha a lo tarlang thei ta a, change ropui tak a ni tih kha kan tarlang duh a ni e, ka lawm e.

Pu LALTHANSANGA : Pu Deputy Speaker ka lawm e. Budget hi a page hmasaber atanga han thlir pawh hianin a lawmawm nge, hlau leh khur chungin tih tur mai khan 'global decision leh petroleum-te harsat avangin Mizoram harsatna kan nei', tih atang khan an han tan chho nghal ringawt mai a. Chu chuanin a punna chu vbc 600 nimahsela he punna hi Mizo mipui ten a kan thawh a ni a, a chhan chu 'engatinge' kan tih chuan chhiah nasa takin a pung a, transport-ah pheih chuan motor kum 10 chuang a lo upa tawh pawh kha lifetime tax kha pek an ngai ringawt mai a, chu lifetime tax kan han pek chuanin a dang kum 15 kha a la tlan thei ang ngem ti chungin lifetime a ngai tlat mai si a, chutiang khawpa mipui tena phurrit kan awrh chungin sorkarin tul a tih avangin rilru damlo chung a kan pek a, chumi tling khawm tam avanga he kan budget pawh hi pung chho niin a lang ta a. Chuvang chuanin

13th Finance Commission-in Fiscal Management (MFRBM) atanga min tuk anga kan chhohna te avang te a ni a. chutiang chuanin kan budget hi a lo pung chho a ni.

Tin, para 2-na hian service sector hi a la dominate tho a, kan GSDP hi service sector hian 60 % hi an contribute a ni. Industry leh Agriculture alight sector-ah hian 20 % a ni, a la pung chuang reng reng lo, engatinge niang aw ka ti a zawhnaah pawh ka zawt a a BPL hi engzat nge la awm? tih ka zawt a, BPL te hi vawiinah chuan tlahniam duai tawh awm a ni. A chhan chu engatinge kan tih chuan NLUP hi kan sorkar flagship programme a ni a Mizoramin a flagship programme kan neih te han en hian kum 3 kan hmang zo dawn tawh a, chuti chung chuan a la ngai reng mai a ni. Chiang taka ngaihtuah chuan kan budget hian mipui a thleng phak kan tih rual hian a phak dan hi pocket sector deuhvah khan a thleng emaw ni aw tih tur a ni tlat a ni. Chuvang chuan GSDP atanga en chuan vawinah hian kan Budget pharh thinah hianin lawmna tur a awm em? tih hi zawhna lian tak a ni tlat a ni. Chuvang chuanin kan Budget han pharh reng renga pawh hi khatianga zawnga kan thlirte pawh hi a ngaiin ka hria a.

Kan Budget hi a that rualin leh kan flagship programme-ah 35.29% vela a pun laiin kan GSDP atanga en khan a pung silo hi engatinge kan tih chuanin kan sorkar policy hi a 'leipui' politics lutuk deuh a, 'Lo pui' politics deuh chu nise a va tha awm ve, a chhan chu engatinge kan tih chuan sangha pe lovin a len kha pe ta ila chuan mipuite hian vawiinah sangha man an thiam chuanin anmahnin an ei tur an man ang a. Sem anih hian indaih hi a har em em mai si a, vawiinah hian lawm aiin lawm lo hi an tam em aw tih tur a ni a, opposition lam chu kan han lawm lo phawt a, ruling atanga a hmu tlem deuh leh hmu tlem lo deuh pheih chu an la inthlau leh deuh a ni a. A thenin nuai chuang an hmuh laiin a thenin singhni h singthum an han hmu a, a then chungah ruah a sur laiin, a then chungah te chuan 'manna' a tla emaw tih mai tur a ni a, an Bawng thi mai turte leh khatianga ral mai turte an lo ser palhte pawh jail-ah te an luh phah a ni. Chutihlai chuanin WRC-te leh trade hrang hrang, anmahni trade thlan pawh nilovah an hmannaah te sorkar hian action pakhatmah a la la lo a ni. Power Tiller-te emaw, engemaw langsar deuhah chuan an haider mai a, chuvang chuan he kan flagship programme pawh hi a implementation hi vawiinah hian kan enchian leh hi a ngai hlein ka hria Pu Deputy Speaker. Ka hre teuh mai a, an hming nen pawh hian pek tur hi a tam em em mai a, an trade thlan a cheng khat pawh hmang lova fridge lei ta, NLUP sem lai chuan steel almira leh steel trunk hi hralh a kal ber an ti. Aizawlah pheih chuan an hralh nasa hle a, an indaih mang lo a ni a, 'hei, an han leh ta deuh', te an ti a. Chutianga ang tak te chuanin kan tihhlawhtlinna tur leh kan revenue leh kan GSDP a lo than chhoh zelna tur atan zawka mipui hnena kan budget hi kan pharh a ni tih hi kan hriattir a, chutianga zawnga kan rilru kan ngaihtuahna sen a ngai hlein ka hria a. Leipui politics ringawt hi chuanin vawiinah kan ram hi a thang tawh lo a ni tih a hriat a ni, a chhan chu kuthnathawktu 100-a 80-te, 100-a 60-te a niang chu, chutianga ang chuan thawhchhuah ve hi an nei lo tih tluk ani tlat a ni. Chuvangin, kan retheihna hi vawiinah hianin a la ngai reng a, a zual lampang a pan emaw ni aw tih tur a ni, chu chuan kan moral a tichhia a, chu chuan engtinngge kan moral a tichhiat kan tih chuanin vawiinnia kan moral a chhiat dana hi a neite itsikna a lian tawh a, lawmte lawmpuina hi vawiinah hian kan nei tlem tawh hle a ni. Engnge a chhan kan tih chuanin vawiinniah a neilo te an chep em em laiin a neite hi an ropui hlein kan hmu tlat a ni.

Tin, chumi piah lamah chuanin kan neih bakah mi neih kan it tawh si avangin kan rilru chu materialism-ah a lokal tawh si a, engkim mai hi khati zawnga hman kha

kan han tum ve a ni a. Hei energy-ah te pawh kan dah hi nikum hmasaah te leh nikum a kan budget speech-a awm te leh kumina awm te hi en ila, cheng vaibelchhe sawmkua pali vel bawr hi a la ni reng mai a, hetiangte pawh hi han en hianin wawiinah gas a lo harsa a, mitin maiin eirawngbawlina turin thukte kan lo neih tawh siloh avangin khawchhak lampang heater-te kan hmang chho ta a, kan ei loh chuan kan ril a tam dawn si a, nunau tan phei chuan tihngaihna a awm silova, chutiang tak mai dinhmun a kan han awm takah chuanin power kan hman chu a tam chho ta tial tial mai a, transformer a tlin lova, a capacity aia tam load a lak si tak avangin hmun tin maiah hian transformer hi a chhe nasa em em mai a. Ka bialah te pawh khawi khawiah emaw a chhe nasa mai a. Chawngtlai atanga Biate lam zawng zawng, khaw 14 vel feeder kha a chhiat avangin zan engngemaw zat kha an eng thei lo ta a ni. Sorkar hian hetiang atan hian inpuahchahna a nei lo em ni aw? Ka ti a ni.

Nichina kan Transport minister khan khiti lai Quarry chimah khan tuman mawh an phur lo a ni, a'n tihah khan Mining-in khiti laia BRTF te hnena Quarry Permit a pek ang tur Rules kha wawiinah hian an follow em? Chumi a nih loh chuan a mawhphurtu chu sorkar leh BRTF-te kha an ni tlat a ni. Nimahsela, a Danah te khan zuk en ta ila chutiang chu a ni lo mai thei. Chuvang chuan Dante pawh kha Mining hovin an siam that a ngai a nih chuan siamtha sela. Chaltlang chho a mi te khi, a khi phuk mai a. Khitiang te khi engtikah nge arawn tlak ang aw? tih tur a ni. In tawp ber chhakah te khian han en ta ula. Khiti lai khi a khi nasa mai a. Eng niah emaw chuan khilalah khian chhiatna tawh thei kan ni. Chutiang ang zel chuan sawti lai 'New Bagha' phei lai kan tih pawh saw motor te a accident a, kuminah ringawt pawh thihna rapthlak tak tak, misualte pawh an um liam fona laite saw engatinge niang, fencing-te pawh hi sorkar hian a tih loh tih te kha ka'n khak tel duh hrim hrim a. A chhan chu chhiatna kan tawh hi a rapthlak em em a. Chutiang chuan wawiinah hian Power Department-te pawh hian transformer te, gas a lo harsat chuan mipuiin kan hmanna tur lampang kha lo hre lawkin lo inralrinna leh engemaw harsatna awm tur kha lo ven a ngai a. Transformer lah ni se, Silcharah repairing kan ti a. Tichuan Silchar atanga repair lokal chu a lokal hmasa kha kan MLA te hi an fel khawp a, an lo chuh fai deuh vek. Nasa tak maia va chuh a ngai a. Tichuanin an eng thei a ni. Chutah pawh chuan upgradation pek ngai reng reng hi Sorkar hian ruahmanna a nei thei lova. A lo kal hmasa chan loh hlau ringawt khan a te emaw, a hma a kan chan aia te emaw kha lo ni pawh nise kha kha kan lak mai si loh chuan khawtlang kan thim reng mai dawn si a. Mipui demna a nasat dawn si avang khan duh pawh thlan theih loh khawp hian a awm a. Chuvang chuan heti lai Power sector velah pawh hian a lungchhiat thlak deuh chu ka ti a ni.

MLA Local Fund-ah hian nise hei nuai 30 a ni a, a lawmawm ang reng khawp mai a. Kan House leader zahawm tak mai, kan Chief Minister ni bawh hian, 'nuai 50, nuai 100 te pawh state dangah te chuan a ni a, Mizoramah chuan chutiang te chu ni ve sela', te a'n ti a. Nimahsela, hei a takah chuan nuai 30 a ni a. Engpawh nise, a lawmawm viau a ni. Heng te avang hian zin te pawh a tihnam phah ve a. Tin, heti laiah hian Pellatava leh Bogaigan? atan hian Rs. 34.64 lakh lai mai hi Equity share in a rawn dah a. Hei hian eng angin nge kan ramah hian current min rawn pek hnem ang? Min pek hnem poh leh transformer kha a rawn ngai nghal leh deuh zel mai a. Tin, khua te a lo lian a, a lo thang chho zel a. Hmun tinah NLUP avanga in dang kan lo tam a. Current pawttu leh hmangtu te kan lo tam avang hian kan sorkar hian heti laiah hian ngaihtuahna rawn hmang deuh sela. Tin, hei tun tum chu chhiah lakna tur a awm loh rualin sorkar hnathawk a sing tel erawh chu kan la thei lo tih hi a rawn sawi a. Sorkar hnathawk sing tel kan la thei lova. Chuvang chuan kan Non-Plan te hi pung tam sela. Sorkar hnathawk hi wawiinah chuan kan industry tha, kan revenue hmuh

thatna ber a nih avangin heti laiah te hian han ti tam deuh sela tih te kha a lawmawm ve tur deuh kha a ni a.

Tin, chumi rual chuan hei PHE lampangah, tui supply lam pangah tui bill te pawh hi lo la pung tur deuhin hemi hi Retrospective deuh hlek a khami an rawn tih tak loh kha tih leh tur chu a lang fiah niin ka hria a. Chuvang chuan tui bill pawh hi pung ngei turah chuan kan ngai deuh a. Chhiah engmah a pung dawn lo tih rual khan a hma a an tih tak loh te pawh kha an ti dawn ni khan a lang a ni. Chumi rual chuan buhfai leh electric-ah te hian vaibelchhe 100 a rawn lang ta a ni. Buhfai leh hemi kan subsidies-naah hian nuai 100 lai mai a rawn lang ta a, current kan subsidies-naah hian. Hetah hianin hei kan Finance Minister zahawm tak mai hianin kan tihram hram a, engchen hi nge ni kan ram pawisa dinhmun hian hetilaia buhfai tuna a subsidy a kan peka hi kan tih theih ang tih hi a rawn tilang a ni. Chumi piah lampangah pheih hi chuan hemi food security hi pass a lo nih tawh pheih hi chuan chutiang ang ve deuh te chuan entitlement te pek a ni ang han tih hi a ni chho tan ta a. Chuvang chuanin buhfai vawiina ration kan tiha hi kan hmulo thei tawh nite pawh hian a rawn lang a. A budget hi a lawmawm rual rual hian heti tak maia a pun rual hianin khatiing ang hrang hrang lo langa kha Pu Deputy Speaker, kan sawi lang ve duh deuh a. Engpawhnise, he budget hi chu a pawm theih a lawm le, pragmatic budget angah kan ngai a nih chu.

DEPUTY SPEAKER : Awle, tunah chuanin kan chawhma hun kan zo ta a, kan chawl ang a, dar 2:00 P.M.-ah kan lut leh dawn nia.

Sitting adjourned at 1:00 P.M.

2:00 P.M.

DEPUTY SPEAKER : Kan General discussion kan tan lehngal ang a. Chawhmaah khan member panga in an sawi tawh a, tunge ni han sawi lehngal ang le? Awle, Pu K. Lianzuala ilo ko ang.

Pu K. LIANZUALA : Pu Deputy Speaker, ka lawm e. Vawiinah Budget tha tak mai kan Finance Minister zahawm takin a pharh sawi thei tur a hun ka nei hi ka lawm a. Hei kan Budget hi keini ang hrethiam chiang lo pawhin a pawm nuam tak a ni a. He Sorkar hi pawisa ruahmanna leh remhriatna tha tak nei a ni a. Sorkar hruaitu rintlak House Leader zahawm tak hnuaiyah Finance Minister tha tak mai kan nei a, Budget tha tak mai tunhma a kan la neih ngai loh tute tawngkam emaw han hawh ta ila Pu Deputy Speaker, tui let hnuah hetiang anga Budget pung sang hi kan la nei ngai lo niin ka hria a. Chuvang chuan Finance Minister zahawm tak hi a fakawm a. A tak a tihlawhtlingtu kan House Leader zahawm tak pawh hi chawimawi a phuina ka hria a, kan chawimawi tur a niin ka hria a ni.

Tichuan Budget kan han en khan, Budget Speech-ah khan hei chhiah thar lakna tur a awm lo niin ka hria a, hei hi thil chhinchhiah tlak tak a ni awm mang e aw ka ti a, a chhan chu hetiang a an tih theihna chhan ni a lang chu he Mizoram Sorkar hian pawisa enkawl dan a thiam a, kum 3, kum 4 chhungin Central lamte nen pawisa min tuk ve te leh helai atanga kan tih turte tha tak a an tih avangin hetiang hi kan

thleng thei niin ka'n hria a, chu chu kan Budget han pun theih nachhan pawh a ni. Chuvangin Finance Minister-te leh Sorkar a thuneitute, Department lama kan hotute pawh helaiah hian an fakawm ka ti a, an fak tlak niin ka hria a ni.

Tichuan kan Budget pumpuiah khati taka punna a lo awm ta kha Mizoram History-ah chhinchhiah tlak ani e ka'n ti a. Tin, he Sorkarina a programme pawimawh tak New Land Use Policy priority list kan han enah khan, hei a pawimawh number 1-ah an rawn dah a. Kan hriat angin nikum lam aiin za zelah 58.12-in a pung chho a, hei hi thil chhinchhiah tlak a ni. He Sorkarin mipuite hnen a a sawi thin a taka thlenna tur atana Policy pawimawh tak kut hnathawktu te za a 70 lai awmna ramah mipui tapchhak zawl thleng phak policy NLUP atana vaibelchhe 370 zet mai dah a ni hian he Sorkar hian eizawna kawng a lei rem rap tawh lo te dinhmun a hrechiang a, a ngaihtuah a, chuvang chuan hei hian a kaw k chiang em em a ni. Tin, nakum chhungah thil kaltluang pangngai anih chuan beneficiaries nuai 1 leh sing 2 lai mai ruahman an ni hian mipui za a 80 dawn, 70 chuang kut hnathawktute tan chuan a thlamuanthlak awm mang e ka ti a. Tin, Pu Deputy Speaker, NLUP chungchangah hian sawi tur a tamin ka hria a. Hun kal tawh lamah engemaw zatin hlawhtlinpuina an nei a, tun Sorkar, tun hun chhungah pawh hlawhtlinpui, dinchhuah pui mai tur te tam tak an awm lai a a lehlam vanduaina mihring tih theih loh, mihring tih theih bak vanduaina thleng remchang a kan la fo hi a paw ka ti a, a vanduaithlak ka ti a. NLUP-ah hian kan sawi angin heti zat pawisa ruahman a ni a, Sorkar-in kalpui zel a tum, a kalpui zel dawn baw k a ni a.

Tunhnaiah han sawi tel talh ka duh a, bawng thlangtuten vanduaina an taw k a, Sorkar hian bawng hrisello hi a chah chhuak dawn lo tih hi chu mi pangngai chuan an hriain ka hria, bawng 788 chah chhuah a ni a, 169 a thi a, 619 a dam a ni. Helaia kan sawi duh chu ram hla tak mai atangin bawng hi chah chhuah a ni a, Haryana atangin, km tam tak a ni a, ni 15 leh zan 15 zet truck hnungah an rawn ding chho va, an nunphung pangngai an nunpui thei lova, an chawei pawh a mumal lo a ni tih a hriat a ni, tin, chubakah an rawn kap rai vek niin an sawi a, khaw lum hnuaiyah ruahsur hnuaiyah helai an rawn thleng a. Tichuan, dam tha taka helai an rawn thleng kha a mak phawt a, mihring hi ni ve ta ila pum ruak lo lehngal chu, helaiah hian kan sawi duh chu politics remchang a lak chi a ni em aw ka ti. Ran te phei chu an natna te an dinhmun te an sawi thei lova, ran an ni a, an rawn thleng a, a then te phei chu an chau reng a ni, kawng a thi te pawh an awm a ni. Helaia keini member zahawm tak te leh pawn lama sawi thin te pawh hian ngaihtuah chiang se ka duh chu anmahni pawh kha khatiang khan ni 15 zan 15 rawn kal chho ta se truck hnungah hian Aizawl an rawn thlen hian drip khai nghal an ngaih char char ka ring, a ni lo berah pawh thichhawngin an thleng ve ang. Chuvang chuan, he policy hi a tha a, hlawhtlinpui mek bawngah pawh hian tunah hian sawi tur an tam a ni, Kolasib khuaah te Lawipuahte ka hrechiang a, litre 14 sawr te pawh an awm a ni.

Chutih lai chuan vanduaina taw k an lo awm a, bawng heti zat a thi a, tin, NLUP bawng ni lo pawh hi Pu Deputy Speaker Sihphirah ringawt pawh hian bawng 67 lai a thi a ni, NLUP bawng sem hma hian bawng a thi hnem tawh khawp mai. Chuvang chuan, bawng thi kan lo ral duh anih pawn bawngsa kg 1 pawh la sem ve lo te, bawng pakhat pawh la sem ve lo ten rilru thianglim tha tak a ti an nih ka rin lem loh avangin sawi ka ni, Rs. 300 emaw vel lek a in ral hi kei chu a bawng thite ni ta ila a lawmawm viau ten ka ring lem lo a ni. Engpawh nise, ran chhungah

hian mihringin thu kan nei lova Sorkar pawn theih tawp a chhuah a ni, chuang chuan, helai hi kan sawi tel duh tlat a ni.

Tin, mipui hian thil kan hre lo hlein ka hria a, hun kal tawh kha han en let lawk ila, vawkte 1000 chah chhuah a ni a, vawkte chi tha mi tih a ni – Pu Deputy Speaker, Shillong velah vawkte tha mi 2000 chuang an chah chhuak a, 2 chiah an dam a ni. He House-a member zahawm tak vawiina kan hna awm tawh lo zu in mi – engatinge ka zu in chauh in sawi a ka bawngnute in pawh in sawi loh le a tih ang deuh kha niin ka hria. Vaw 2000 zet ti thi a bawng 788 he Sorkarin a chah chhuak a 169 a thi a, 619 dam lam te hi sawi sela, heti ngawt hi chu kei chu a ni turah ka ngai lova. Tin, mipui hi kan hmusit deuh ka ti. Chu pawh chu kan House Leader zahawm takin pek leh tur ti khan a sawi a. Mipui hi kan tham lo deuh ka ti a, politics remchang a kan la dawn anih pawn belhchian awm deuh thu tak deuh hian kal a hun tawh ka ti. Chuti lo chu, min chhiartute hian min chhiar fuh lovang tih hlauhawm deuh a ni, chu chu NLUP chungchangah khan kan sawi duh a ni.

Tin, Pu Deputy Speaker sawi tur a tam hlein ka hria a, tin, hei kan Local Area Development lo pung ta hi member te kan lawm tlang in ka hria a, a lawmawm a, kan House Leader zahawm takin a sawi thin a, ‘kan pawisa dinhmunte chuan han zir ve deuh sela chuan tihpun te pawh hi a tha a ni’, a ti thin a, vawiinah kan duh thal nilo mahsela kan Finance Minister Speech-ah a lo lang a, nuai 30 dawn mai a kan han chho hi kei a lawmawm takzetin ka hria a. Thingtlang lam MLA tan hian a lawmawm ka ti, purtu te kan ngah a, chhiat that a tam a, khawi atang mahin tih theih dang kan nei si lova, MLA Fund hi kan inngahna a ni a. Tin, Pu Deputy Speaker MLA fund hi a tha, MLA te kan bial chhungah hmang thalo kan awm ka ringlo, bial kan hmangaih a, Development Work-ah kan hmang a ni, thatakin kan hmang a ni. Chuvangin MLA Fund min han pun hi a lawmawm ka ti a, kan lawm turah ka ngai a ni. Tin, tum danga kan hmuh ngailoh ka hma a member zahawmtakte pawhin an sawi, Lunglei High Power Committee hnenah nuai 600 ngawt mai han ruahman te hi a ropui ka ti a, kan Chhimlam unaute helam nena han tehkhinin mual khaw eng hmu phalo deuh a an lo inhriat thinna te pawh zep tur a awmlo va, tunhmain a awm a, mahse, vawiinah he Sorkar, kan House Leader zahawmtak kaihhraina hnuaiah hian rualkhai taka Development-a tlakna tur te, khaw eng kan hmuh a in chenna tur ten ruahmanna hi a kal a ni, thliar bik neilo Sorkar a ni tih a ti lang Chiang em em a, ka lawmpui a, lawmawm ka ti a ni. Tin, District dangte hnenah pawh nuai 500 ruahmanna an han nei a, a lawmawm thlawt a. Tin, Sialkal tlang dung Development Committee hman atan nuai 50 dah an ni pawh hi thil danglam tak hriat tlak, chinchhiah tlak a tlingin ka hria a, tunhmain a awm ka hre ngailo va, hei hian kan ram chhung rau rauah pawh tlema han chhawmdawl ngaite, ruahmanpui ngai zualte, he Sorkar hian a hria a ni tih a lang Chiang a ni. Tin, kum danga kan la hmuh ngailoh Mizoramah Visual Arts Film leh Lemchan tih hmasawna atan ti ila a dik mai awm e, heng tiang atan a nuai 20 zet mai dah a han ni te pawh hi a ropuiin a lawmawm hlein ka hria a.

Pu Deputy Speaker Power chungchang lamah pawh nichinah kan ngaithla a, Finance Minister Speech-ah khan a lo lang a, kan ram hi Power-ah kan indaih lovin kan hria a, khalam a mi thenkhatte khan Power an vei thin a, kan thiante thenkhat khan mahse an Power vei kha hemi Eng Power hi Pu Deputy Speaker a ni lova nia, vawiina Minister-te thuneihna ruling-in a Power zawk hi a ni, chuang chuan he Sorkar hi chuan Eng Power tak tak a mamawh a, a vei tlat a, chuang chuan tunah pawh 400 KV line Pellatava atanga Bogoigaon inkar siamna tur atan a vaibelchhe 30.64 lai mai a han dah te hi a ropui hlein ka hria a, chu chu vawiinah hian sawi loh theih loh niin ka hria a, nichin khan ka zawhna chhuak hmanlo a awm a, General discussion a ni a, a sawi theih vek a, kan Finance Minister zahawmtak

Speech-ah hian lo lang tura kan beisei ve, infrastructure of development lamah emaw, Sainik School kan ram tana rotling tur Chhingchhip hmuna mi khi sawilan an ni lova, khang atan khan engzatnge ni infrastructure lamah te khan pawisa dah dan te a la awm em? Han awm ta se a va lawmawm dawn em? ka ti a ni, chu chu Pu Deputy Speaker vawiinah hian sawilan kan duh a ni.

Tichuan, in kal pawhna kawng a thalo kan ti a, in kal pawhna kawng a that loh hi a rei tawh khawp mai, kum 10 zet hmalam atang khan kan High Way te, High Way lo te pawh hi enkawl zui anih loh vang a ni. Tun sorkar hun reilote chhungin theihtawpin Sorkarin tan a la a, tunah cheng heti zat mai kawng siamthatna atana ruahmanna a awm pawh hi lawmawm ka ti. Chuvangin Sorkarin theihtawpin hma la a, mipuite tana ruahmanna hetiang ang budget ropui leh tha mipui lam hawi mipui budget pharh a ni thei hi Finance Minister zahawm tak leh kan sorkar kan hotu lu kan House Leader chungah hian lawmthu kan sawi a thain ka hria a, a lawmawm ka ti khawp mai. Ka lawm e.

DEPUTY SPEAKER : Awle, tunge han sawi leh dawn le? Lt. Col. Z.S. Zuala.

Lt. Col. Z.S. ZUALA : Pu Deputy Speaker, ka lawm e, hei tun kum budget-ah a hmasa berin Plan Budget a cheng vaibelchhia hlir 2300 kan han hmu a, chu chu za zel 35.29 in a pung tihna a ni a, hemi ringawt atang hian lawmna tur hlir hi a ni ringawt maiin ka hria a. Tin, kan Finance Minister speech atang khan tlem tlem han sawichhuah ka duh chu harsatna eng engemaw kan tih te kha a rawn sawi a. LPG chungchang kha Minister zahawm tak khan a harsat dan te pawh a rawn sawi a, mi tam takin hei hi local problem a ni e, ti tein an sawi a. Mahse hei hi India ram chhunga kan problem a ni vek tih kan hrelo niin a lang a, hman deuh lawk khanin NDTV-ah ka en lai tak mai khanin Central-a kan hotuten a connection an neihzat, VIP tena an neih zat te kha an rawn sawi chhuak a, a thente chuanin connection hi an lo ngah khawp mai a, 91 te 89 tih ang te hi mimal khan an lo nei zut mai a. A thenah chuanin kan Central Minister-te ngei ngei pawh an lo ni hlawm a, hengte hi khutilaiah harsatna awmlo se an rawn sawi chhuah ka ringlo. Tin, hmanni lawk khanin National News Paper-ah bawk Manipura Gas harsat dante an rawn sawi a, kawngpui hrulah chuanin black-in sangkhattein a hmu theih a, mahse kawngpui hrul atanga peng chinah chuanin 1500 lo chuan black-in a hmuh theih loh tih kha National News Paper-ah ka chhiar tlat bawk a, chuvangin hemi problem hi heti laia kan Minister ina theihtawp a chhuah hnu pawh a hei chu Mizoram tan a harsa bik a ni e an ti hi chu a dik lem lo.

Tin, Sorkarina harsatna a neih leh deuh kan pawisa ei tam berna sawiah khanin implementation of sixth pay commission kha a ni a. Tin, chubakah subsidy purchase of foodgrain te, tin, subsidy purchase of power tihte hi a ni a. Kan hriat angin kan foodgrain leinaah hian subsidy Sorkarin tam tak a pe a, chutiang bawkin power-ah. Power te pawh hi kan harsa an ti a. Hmun danga kal in an sawi danah hianin Mizoram hian power hi a harsa love, hmun dang aiin a tha zawber e tihte hi an rawn sawi fo kan hria. Chutiang anih si chuanin kan food subsidy te pawh hi streamline deuh ila, a entitle lote hi chuan subsidy a lak loh a, a entitle ho chauh hi dah ni se tihte pawh hi a thain ka ring a. Tin, power tariff te pawh hi kan sorkar hian kan mipuite hi a dim em em a, hengah te pawh hian kan power tariff te pawh hi tihsan ve te pawh hi a hun tawhin a lang a. Hengahte pawh hian kan Minister te pawh hi inthlahrung lutuk lovin hengte pawh hi heti taka kan harsat si chuan engchen nge hetiangin kan awm dawn tih hi ngaihtuah a hun viauin ka hria a. Tin, a speech-ah khanin

sanction post 10000 fill-up theih loh a awm tihte kha kan hmu bawk a. Hei hi thil hlauhawm tak pawh ani chuang lova, tuna kan sorkar hnathawk hian min vil thei tawh turah ngai ila, tun laiin computerized-a ni a, mi tam tak hna kha mi 1-in a thawh theih a. Tin, kan salary-ah ringawt hian vaibelchhe sanghnih leh sawmnga pasarih chung zet hi kan hmang bawk si a, hengte pawh hi tuna kan sorkar hnathawkte hian hlawh pun beiseiin an la ti chho zel a, hengte pawh hi engnge maw chin hi chu in show down te pawh hi a hun tawh lo maw? kan kut hnathawktute hlawh tlem tak takin kan la chhawr a, hetilaia sorkar hnathawk thlakipa hlawh la thei te hi chu tlemin lo ip ve thei deuh se a thain ka ring a, tin, hei Mizoramah hian income tax kan awl a, hengte pawh hetilaia kan tribal officer ten an sual chhuahte pawh a ni a, heng kan income tax kan lo awlna ringawt pawh hi hlawh tam tak hu a ni a, chuangin hei hi hrethiam ila kan sorkar hnathawkte pawh hian lo hrethiam se a khairual zawka kan Finance Minister ten min hrut rual an tumna te pawh hi min lo hrethiam se a tha ngawtin ka ring.

Tin, a speech-ah khan New Defined Contributory Pension Scheme tih hi, hei hi thil tha deuh turah ka ngai a, hei hi Central department tam tak hian an lo zawm tawh a, pension hlawh kan pek ringawt pawh hi a tam khawp a, hetiang recurring expenditure kan neih chhoh fona tur nakin hnuah chuan hemi scheme hnuaih hian Pension-a hman hi a lo tlem thei dawn a, a tha khawpin ka ring a, mahse hei hi a detail chuan ka hre lova, amaherawhchu heng te pawh hi sawi fiah theih se chuan a lawmawm khawpin ka ring. Tin, non-plan expenditure-ah hianin office expenditure te hi a sang khawp mai a, engnge maw chen hi chu a ip theihin ka ring a, office kan manage danahte leh vehicles kan hman danah te hian department hi nasa takin kan insum theiin ka ring a. Hetilaia 2% cut a han ti hi a lawmawm hlein ka hria a, 2% aia tam pawh hi kan officer te hian min hrethiam se hei aia tam pawh hi cut thei se a tha ngawtin ka ring. Tin, hei department allotment kha a speech-ah khan a lo lang a, a bik takin transport department-ah khan vaibelchhia 335.23 zet mai kha a awm a, hei hi an hmanna tur te kan hriatpui vek lova, kan bial bikah sawn City Bus tlan lohna te saw a la awm fur mai a ni, sawngah te pawh sawn a tlantir dan hi min ngaihtuah pui se, Aizawl khawpui chhunga awm e tilo sawn City Bus chuanna mai tur awm lo te pawh saw a zialo hlein ka hria, Tlangnuamah te Salemah te sawn City Bus a la tlan thei lo, a tlan theihna ngei turin heng pawisa te pawh hi hman dan a awm chuan a lawmawm hlein ka ring. Tin, nichin khan kan member khan motor hlui kum 15 atana han pek tih kha a rawn sawi a, ka hriat ve dan chuan a diklo anih chuan kan Transport Minister khan min rawn correct se, motor hlui kha a vaia pek ni lovin engemaw zat a balance la awm kha pek tur niin ka hria a, khatah kha chuanin transport-a tax an pek hi chuti lutuk chuan a tam lem lo, tih kha kan hmuh dan a ni a.

Tin, kha kan flagship programme NLUP hi a tha hlein ka hria a, tun kuma allotment min han pek belh nasat dan hi. Kum danga vaibelchhia 370 nikum aia a punna kha 58.2% a ni a, tin, khami bakah khan RKVY-ah vaibelchhe 40 hi convergence-ah kan hmang tel thei dawn tih kha a rawn sawi bawk a, hetiang a lo nih si chuanin kan NLUP pek theih 1,20,000 hi tun financial year kum tawpawh pheih chuan an vai hian kan cover thei dawn niin a lang a, 1st instalment a third phase pawh kan pe thei dawn te niin a lang a. Hei aia kuthnathawktute tana chanchin tha hi a awm chuangin ka ring lo, a lawmawm tak zetin ka hria. Tin, Bawng thite pawh kan han sawi ve bawk a, an tam em mai a, a then a zar an lo thite chu a awm ve a lawmawle tih chang te kan nei ve deuh thin a. Tin, mihringte pawh hri avangin kan thi ve tho a, chungte pawh chu kan sawi lem hlei lova. Tin, hmanlai British ramah ngei pawh black fever avangin mi an thi duak duak a, khatiang ang em te pawh a thleng lem lova, kan Bawng thenkhat a lo thi a hengte hi chu han inngaihnathiam theih dante pawh a awm lawm ni tihte kan ngaihtuah a. Mahse hei aia nasa zawk hianin kan hotuten tan an la leh dawn tih an sawi a, khangte kha a lawmawm khawpin ka hria. Tin, priority sector-ah hian JNNURM-ah hian vaibelchhe za allotment an han siam a, hei hi a lawmawm dawn hlein ka hria a. Tunah hian

JNNURM hnuaih hian Aizawl khaw chhunga Road improvement leh black topping ti turin tender vaibelchhe engemawzat hmun thumah an tender niin ka hria a. Kan bial chhungah sawn Kulikawn atanga helampang Bazar Bungkawn thlengte, tin, Sikulpuikawn atanga Khatla thlengte, Kulikawn atanga Tlangnuam tihte, Missionveng Biak In atanga Missionvengthlang kawnte, hetiang avang hian Aizawl khaw chhung hi a changkang dawn hlein ka hria a. Amaherawhchu hemi bakah hian nakin zel a phase lo kal turah hian internal road te kan sorkar grant te leh MLA fund tein internal road te leh jeepable road te kan lo lai ve nial nual a, heng te pawh hi min la cover sak zel turah ka lo ngaia a, a lawmawm hlein ka hria. Tin improvement of road tihah hian vaibelchhe 329 awm hi Mizoram chhung Road condition hi a chhia te kan han ti a, amherawhchu kan National Highway a Interstate Truck Driver titi atang tein Mizoram chhung hi Road condition a tha ber tih thawm te hi kan lo hria a. Chuvangin Motor la, Calcutta atanga Mizoram rawn khalhchho te pawh hian Mizoram kawng chu a lo va tha bik em tih an sawi te hi ka hre tlat mai a. Chuvangin kan ram chhung kawng hi a chhe lutuk lem love tih kha ka rin dan a ni. Tin, MLA fund hi chu a pung a nuai 25 atang a 30 a an pung hi chu kan thiante ho zawng zawng pawh hi an lawm niin ka hria. MLA fund hi chu tumah hian kan misused lo tih hi a chiang a. Hetianga fund dik taka hman tur nuai 30, MLA 40-in kan neih hi chuan Mizoram hi a changkang zawng ang tun financial year zawh chuan tih kha ka rin dan a ni.

Tin, District empowerment-ah khanin hei nuai 500 thlih thlih District tin an han allot ringawt mai a. Hetiang hi tunhmain a la awm ngailo, hei hi kan vawikhat hmuhna a ni. Hetiang a nih hi chuan power to the people tihte leh thingtlang kilkhawr thlengin kan hotute hian power an pe chiang tih hi a lang a. Tin, hei Sialkal tlangdung development Committee nuai 50 an pe te hi a lawmawm hlein ka hria a. A bik takin hei kan Minister zahawm tak Pu Rohluna tan phei hi chuan lawm lehzualin ka hria.

Tin, School Education-ah hianin Higher and Technical Education leh Scholarship Board atan pawisa heti zat belhkhawma vaibelchhe 57 leh maktaduai nga leh nuaihni a'n pe hi a tha hlein ka hria a. Mirethei zawng, lehkha thiam thei si, higher study-a kal thei lo tan, khua a eng ta ti ila a dikin ka ring. Mirethei tana lehkha zirna chance ropui tak tunah hian an rawn hawng zel a, a ropui hlein ka hria. Tin, Youth Services promotion-ah hian vaibelchhe 29 leh maktaduai riat leh nuai sarh a pe hi lawmawm ka ti. North Eastern Games a Mizoram result hi a tha lawr lak zel mai a, hemi han hmuh ringawt pawh khan, pek belh leh chi niin ka hria. Anni hi hetiang pawisa an hmuh hi chuan an hmang tha dawn, tin, kan thalai te kutah a lut dawn, kan thalaite tana pawisa pek hi a ropui lutuk a, a dang pawh hi pe ila, an hmang tha dawn tih hi ka ring a ni. Chuvangin anni pawh hi ka congratulate duh a ni.

Tin, Infrastructure Development Construction of Fire Station tih bik hi ka'n thlur duh bik deuhva. ITI-ah khuanin Fire Station sakna tur kan Home Minister leh Trade & Commerce Minister ten a hmun tur pawh an thlang fel diam a, hemi pawisa atangte leh an neih lawk atangte pawhin an sa dawn niawmin ka'n hria a, kan lawm khawp mai a.

Tin, hemi bakah pawh hianin kan Chief Minister zahawm tak leh kan Finance Minister zahawm takte hian an home work hi an ti a, chumi a zarah chuan kan Plan sum tam takte hi kan hmu theiin ka hria. Pu Deputy Speaker, ka lawm e.

DEPUTY SPEAKER

: Tunge han sawi leh ang le?

Pu JOHN SIAMKUNGA : Pu Deputy Speaker, ka lawm e. Hei vawin hi general discussion a ni a, department lam chu ka luh chilh vak lo ang a, helaia kan business a rawn lang ang ang hian ka'n kal ang a. Chumi kan sawi hma chuan Internet-a ka en thil pakhat ka'n sawi lawk ang e. Budget Discussion-te kan han nei dawn a, tichuan engemaw tiin internet kan lut kual kan lut kual a, USA -a Gross Domestic Product-te kan en chhin a, kumin chhung hian US Dollar 15.094 trillion a ni tihte kan enchhin a, khangah khan vawiina kan budget discuss tur te rilrua hre reng chung khan kan en ve a, kha kha thuhmaah ka'n nei duh mai mai a ni.

Hei vawiina kan budget sawi tura hi a tam tham a, Zoram mipui te tana chhenfakawm tur a ni a, kan Chief Minister zahawm tak hmalaknain Plan sum pawh za zelah 35.29% laiin nikum ai khan a lo sang chho ta a. Tichuan Plan pawisa hi Rs. Vaibelchhe sanghnih leh zathum lai kan lo nei ta a, chu chu development lamahte kan hmang nasa dawn tihte ka rawn sawi chho zel ang a.

A hmasa berin kan pawisa laklulh laite hi ka sawi duh a kan GSDP 2012-2013 hi hetah hian cheng vaibelchhe sangriat leh sawm pariat GSDP a kan laklulh tura kan chhut chu a ni a, hei hi kan State sum kawng hrang hrang a kan thawhchhuah tur tlingkhawm tura chu a ni. 11th Five Year Plan chhung khan 100 zelah 7.1 a pung turin beisei a ni a, helaia Hon'ble Finance Minister Speech-a a lan dan hian. Amaherawhchu, kan phak ta lova, 6.something percent-ah kan tla thla ta a ni. Kumin chhung erawh hi chuan kan tum a sang deuh a, a percent zawngin 10% a up kan tum a ni, kan gross domestic product a hi. Chumi awmzia chu Zoram hi lo thang tual tual tur chuan kan state sum bawm hi a len ve zel a ngai a ni tihna a lo ni ta a ni. Tin, kan sum laklulh hengah hian service sector lampang hi a thawhhlawk ber an ni a. 100 zela 60 an rawn thawh a.

Tin, Industry lam hian 100 zela 20 an rawn thawhchhuak ve a. Tin, Agriculture leh Allied Sector ho hian 100 zela 20 an rawn thawhchhuak bawk a ni. Tichuan, service sector lampang thawhchhuah hi kumin chhung kan budget kan en chuan helaiah hian revenue receipt lampang kan en ang a. Tahchuan, 4796.48 crores alo lang a, nikum aia kan tamna chu vaibelchhe 17-in kan tam a ni. Kan thawhchhuak tam hret tihna anih chu. Tichuan, hemi Own Tax Revenue kan tih chhiah atanga kan laklulh ngau ngau a hi vaibelchhe 17 in alo pung a. Amaherawhchu, Non-Tax Revenue kan tih chhiah a kan chhiar lemloh atanga kan laklulh erawh chu vaibelchhe 8 laiin a hniam ta duai mai a ni. Hei hi enge a chhan ka hrethiam lova, helaia receipt budget tih bu kan en chuan Non-Tax Revenue ah hian vaibelchhe 229 kuminah kan lalut a, budget estimate atang hi chuan. Nikum lamah kha chuan vaibelchhe 237 daih a ni. Chuvangin, kan tlakhniamna laia hi a ngaihawh awm hlein ka hria a, helai hi kumin chhovah te chuan nasa taka kan bawhzui a, kan GSDP lo sang chho zel nen Non-Tax Revenue lampangah hian hma kan lak a ngai hle dawn niin a langin ka hria a.

Tin, Capital Receipt hi 383.45 crores kuminah kan han beisei a. Chu chu vaibelchhe 110 laiin nikum lam budget nena kan enmil chuan kan tlahniam dawn tihna a ni. Amaerawhchu, hei hi a tha zawngin a kal thung a. 13th Finance Commission-in a direction a pek dan leh Ministry of Finance direction angin hei hi chu tih tlakhniam a ni a, a lawmawm zawk. Tin, tuna kan sum bat lampanga hi kan en chuan vaibelchhe 4362.31 a lo ni ta a. Chumi awmzia a chu, kan sawi kai hlek duh a chu sorkar hmasaah khan kumtin vaibelchhe 300 vel bawr dawn outstanding kha a awm thin a. A inbelhchho tam tial tial a, a tawpah phei chuan vaibelchhe sangthum chuang fe anih phei chuan kan mangang a ni. Mahse, tuna Congress sorkar hnuaiiah hian khangho kha kan khuahkhirhna hle a, tun kum 5 chhung hian

vaibelchhe 500 vel bawr dawnin kan bat a hi a pung tihna a ni a. Sum enkawl lamah hian kan hotute an strict-in an fimkhur baw a, Financial Management an thiam hle a ni tih kha a langin ka hria.

Tin, Consolidated Fund of the State kumin chhunga kan thawhchhuah zawng zawng sum bawma lut tura hi budget kan en chuan Vaibelchhe 5179.93 a ni a. Kan hmanchhuah tur hi a tam ta a, Vaibelchhe 5327.25 hi a lo ni ta a ni. Chumi awmzia chu vaibelchhe 147.32 crore-in kan short deuh hlek dawn a. Chu chu tan zual ngaihna lai tak pawh a ni dawn a ni, nichina ka sawi tawh ang khan. Tin, Development lampang ni lo Development lama sum hman tur ni lo, Non-Development expenditure hi a sang khawp a, tuna kan Budget-ah hian. Cheng vaibelchhe 2828.2 lai mai kha hmasawna hnathawhna tur ni reng reng lo mai kha a lo lang ta a. Chumiah chuan hlawh hian a eiral nasa hle mai a. Non-Plan atanga kan sorkar hnathawkte hlawh tur ringawt hi Cheng vaibelchhe 1615.64 a ni. Tin, Plan atanga kan pek tur hlawh zawng zawng hi vaibelchhe 416.15 a ni. NLUP aiin a tam daih, kha pawh. Mi kut hnathawktu ram leilung fate 100 zela 70 ai khan helai sorkar hnathawk Plan atanga kan pek tur pawh hi a la tam a ni.

Tin, CSS kan ti a, Central Sponsor Scheme hnuaiiah hian vaibelchhe 15.97 kan pe dawn a. Chutichuan, sorkar hnathawk atana tun Budget atanga kan hman tur zawng zawng hi vaibelchhe 2057.76 a lo ni ta a ni. Tichuan, kan sorkar hianin sum enkawl lam hi a thiam hlein ka hria a. Tuna ka sawi bakah khan a hmanralna tur lampang Interest payment, loan kan lak atanga sum pung kan rulhna kha Cheng vaibelchhe 242 a ni. Nikum lam atanga kan teh chuan tuna kan hniamna hi vaibelchhe 10 zetin nikum lampang ai khan kan rul tlem dawn tihna a ni a. Chu mi awmzia chu Finance Management ah hian kan hotute an thiam hle tihna a ni. Interest payment in a eihek nasat luattuk hian kan hriatthiam danin Budget a eihek nasa lutuk a, chu chu ram mipui tan a pawh thin a ni.

Tin, Pension atan ringawt hian vaibelchhe 268.72 kan hmang dawn a. Nikum lam atanga kan teh chuan nikum lama kan senso ai khan vaibelchhe 1.53 in a lo hniam ta a, kan Budget ropuina a lo lang a ni. Nikum lampang ai khan pension hi engahnge in pek hniam theih in tih chuan, thui tak sawi tur a awm. Amaherawhchu, a awmziaah chuan sum enkawl kan hotuten an thiam avangin chung thil chu a lo thleng thei a ni.

Tin, buhfai, electric – heng ho subsidy atan hian Cheng vaibelchhe 100 vel pek tur a lo lang leh a. Helaiah hian kan mi te tlai puara an awmna turin sorkarin a ngaihtuah a, chu mi tur chuan subsidy-in tam tak economic cost-in a lei thin a ni. Chu mi anih avang chuan kan hotuten ram mipui ram leilung fate an hmangaih a. Hetiang zat hi an lo dah a. Tin, Electric lamah pawh nimin lama ka hriat dan chuan U.P te, Bihar velah chuan nikhatah darkar 4, darkar 5 te an eng ve a ni. Keini chu tunah hian a khawl pui Transformer pahnih zinga pakhat Luangmual a a chhiat avang khuan kan in en chhawk nasa a. Kan duh ang power kan hmu thei lo. Amaherawhchu, phai lam atanga lo kal chu a tlem chuang lo a ni. Keimahni ram chhung thil harsatna tawh a ni a. State dang dang Nagaland te leh state dang te ka zawt thin a. Engnge in dinhmun? ka ti a. Mizo hi chu kan phun peih baw a, kan insawisel peih a, kan hotuten thil tha an duh baw a, engah te, buhfaiiah te, kawng lamah te hian kan tha a ni. Supply hrang hrang ah kan tha khawp. State dang hi ka phone ve thin a, ka hre ve thin a ni.

Tin, a dang lelah chuan kawng siamna tur hrim hrim hian kuminah hian improvement of road tihah khan Network hrang hrang kan siamna turin Cheng vaibelchhe 329.37 a lo lang a. Hei hian kan sorkarin kawng a ngaih pawimawh zia a ti langin ka hria a. American Consul lo kal pawh khan a sawiin ka hria a. ‘Mizoram, in kawng a tha’, a rawn ti a ni. State dang,

khulai Vairengte thlang lawk han kal ila, kan bu nghal lawk lawk a. Helama lo zin chhote hi chuan an hre viau thin a ni. Chu ti chung chuan, engemaw deuhah hian opposition lam leh party hrang hrang atangten min rawn beihna a na thin a, amaherawhchu, kan theihtawp kan chhuah a, state dang ai hi chuan kan tha ve a ni.

Tin, NLUP atan Cheng vaibelchhe 370 lai dah a lo nih hi ka sawi duh lai tak a ni a. Ram buai kan nih hnu atang hian kan lo piangsual zo tawh a. Khaw 5, khaw 6, khaw 7 lai te kha khaw khatah kan han inkhung khawm a. Kan kalsan chhek In leh In zawng zawng min hal sak a, kan va fin a te neih kan ei zo si a, belh tur hre lova kan awm chhung kha a rei a ni. Khami anih avang khan kan nun a lo lepchiah zo a, thluak a eizawn tum kan tam phah a ni. Chumi anih avang chuan Mizo nunzia intodelh tumna ren rawn kha nei kan vang tawh a. Engemaw ho te contract ho te emaw thildang dang emaw a ei hmuh tum hi kan tam tawh a ni. Chumi anih avang chuan he sorkarin a hlauh em em a chu nakin lawkah chuan globalization kan ti a, khawvel ram khawi mah hi ram tlawhpawh loh a awm tawh si lova. Look East Policy te hi a rawn hlawtling chho zel ang a, Kolodyne Multi Modal Project te saw alo la chho zel ang a. Hemi a hlawhtlin hunah chuan Korean nula tlangval te, Japanese nula tlangval te, Indonesian te, Cambodian mite an lo la kal dawn a ni. Duh lo teh mah ila kan la inpawlh dawn. Chumi hunah ram leilung fate hi rethei taka kan awm chuan kan ramchhungah hian chhiahhlawhin kan awm dawn a ni, tirhkahin kan awm dawn a ni. Chumi chu kan hotuten hriaiin ilo in siam hmasa ang u. He NLUP hmang hian chhungtin ram leilung fate hi i siam ang u, chuti anih loh chuan nakinah kan ramchhung ngeiah hian chhiahhlawh kan la ni ang e tih hlauin cheng tam tak tak budget-ah hian an rawn ti lang ta a ni. Chumiin a entir a chu, kan ramchhungah ngei hian ram leilung fate hian lalna kan chang tur a ni. Chhungtin hi kan lo intodelh a, eizawwna ngelnghet kan lo neih chuan Bawng vulhah a ni emaw, sangha khawiah a ni emaw, coffee chinah a ni emaw, serthlum chinah a ni emaw, kan trade thlan apiangah khan kan dinchhuah chuan ram leilung fate hi kan lal ang. Engang Industry lian leh Factory lian pawh lo ding sela Zoramah hian kan dinhmun a tha dawn ani. Miretheite chu hlauhawmin an awm ngai lo tih kan hrechiang a ni. Chumi beisei chuan a ni he NLUP hi awmze awm a kan hotuten an kalpui. Rethei chanhai, kuthnathawktute khai chhuahna kan tih hian a fun thui khawp. Khang mirethei mahni kut leh ke a dingchhuak zo tawh lo te kan tanpui hian ram kan hmangaih a, ram leilung fate dingchhuak tura kan duh hian chimralna laka fihlim kan duh tihna a ni. Chumi tur chuan theih tawpin kan sorkarin hma a la chho zel a, hemiah hian theih tawp chhuah a kan tan zel chuan hlawhtlinna ropui tak kan nei thei dawn a ni. Amaherawhchu wawiin niah Allied Department tam takin an hnuai trade thlang tute an enkawl zo mang lo erawh hi chu paw ka ti a. Pakhat lek kan sawi ang a Coffee chingute, an buai a ni. A hunah phun tur an pe thei lo nikum lamah te pawh kha kha entirnan kan sawi mai ania. Demand sawi hunah khan Department lampang kha chu kan thlur ang a, thil tam tak kan la sawi dawnah ngai ila.

A tawp ber atan Pu Deputy Speaker, ka lawmna em em pakhat dang han sawi ka duh chu Development Expenditure tur hi kan budget-ah a lang lian tho a ni. Thildang zawng zawng ka sawi tawh bakah khan cheng vaibelchhe sangkhat zathum sawmli pakhat leh point sawmnga pakhat lo lang hi. Kan budget pumpui atangin za zela 32 a chang phak dawn ani. Chumi awmzia chu he budget hrawl takah hian hmasawwna hna hi kan la thawk hle dawn a ni tih a tichiang a ni. Chumi anih avang chuan he budget ropui tak rawn siam chhuaktu Congress sorkar ka fak a. He budget buaipui a, finna engkim leh remhre taka rawn pharhtu kan Finance Minister ka fak bawk a. Tin, he sorkar kaihrui a, ram hmasawwna tura a rilru zawng zawng leh a theihna zawng zawng sengtu kan Chief Minister ka fak bawk a ni e, ka lawm e.

DEPUTY SPEAKER : Tunge han sawi leh ang le? Awle, Pu K.S. Thanga.

Pu K.S. THANGA : Pu Deputy Speaker, insawi chhawk deuh kha a tha deuh kan ti a, mahse i veilam a mite kha an tawngtha duh lo riau. Chuvang chuan keimahni lam hlirin kan sawi zel dawn anih mai hmel a. Vawiinah kan budget general discussion zau taka sawi theihna hun kan nei hi lawmawm ka ti hle a. Sawi tur a tam a, hetiang a bu chhah hi minute 15 chhung lek a han sawi zawh ngaihna a awmlo a. Chuvang chuan a pawimawh kan tihte kan sawi deuh mai dawn a ni a, a hmasa bera ka han sawi ve tlat duh chu - Fiscal Sustainability, sum kan enkawl na lama kan that dan hi sawi tlak niin ka hria a, engemaw hun lai khan kan sorkar hi Financial Management-ahte hlawhchham dera han sawinate a awm a, mahse, vawiina kan budget speech-ah hian kan Chief Minister zahawm takina Financial Management tha taka a lokal pui avanga vawiin niah hian budget tha tak mai kan neih chhoh zel dana hi kan sawi hmasak duh a chu a ni a. Entirnan hei kan budget 2012-2013 budget kan neihah khan vaawiina kan han ngaihthlak, kan Finance Minister speech-ah khan, “Crore zaruk sawmhnih pasarih hian kan surplus dawn a ni,” a ti a, 627.77 crore hi surplus chu chu, “Which is the highest ever in the history of the state finance,” tih a ni. Mizoram budget kan neih tawh zawng zawngah hei aia surplus kan neihsan hi a la awm ngai lova, chu chu tuna, vawiina budget rawn pharhnaah hian a siam chhuah ngawt theih loh va, a hmaa kan sorkarna atanga kan Chief Minister-ina fimkhur taka finance lama min lo enkawl tawhna leh vawiin thlenga a hnathawh a ni tih a ti lang a, lawmawm ka ti hle a ni.

Tin, hemi kan Fiscal Deficit-ah hian khami kan estimate 265.61 crore hi GSDP atanga teha 13th Finance Commission-in min target-ah chuan 5.2 pel lo tura kan deficit kha a nih laiin, tunah hian 3.31-ah kan indah thei ta a. Chumi chuan 13th Finance Commission-ina min beiseina aia thain tunah hian kan target-a kha kan dah tlahniam thei a ni tih vawiinah hian a lo lang a, chu chuan he sorkarina sum a enkawl dana hi a tha hle a ni tih a tilang a ni. Hei hi Mizoram mipui tam tak tan a technical lai a nih avangin hriat thiam a har deuh va, tin, hemi GSDP atanga 82.9% hi khami ai sang pel lova kan dinhmun kha awm tur a nih laiin 54.40-ah tunah hian kan indah thla bawk a, chu chuan vawiina kan dinhmun hi a titha em em a ni tiha kha kan sawi duh bawk a ni.

Hei vawiinah hian kan hmuh ang khan kan budget vaibelchhe 4796.48 atangin hemi kan budget estimate-a revenue receipt-ah khan 4796.48 a ni ang a, tichuan revenue expenditure tura ruahman chu 4168.71 crores a ni ang. Tichuan, kan lak luh zawng zawng atanga kan hman a tlemna chu 627.77 crores a lo ni ta a ni. Hemi Revenue Receipt lamah hian kan sang hle a, kan expenditure-a kha kan control bawk a, chutiang a nih avang chuan vawiin niah hian budget speech hahdam tak, ngaihthlak nuam tak, kan mipuite thawven hawkna tham, kan lo ngaithla thei ta a ni a, a ropui hle a ni.

Actual-a pawisa hmuh dante hi kan hretlang vek tho nachungin han tihrik ve mai mai a tha a, State Non-Tax Revenue atang hian 190.72, Non-Tax Revenue atang hian 229.42, tin, Central Tax atangin 813.71, hei hi Union Budget-a lo lang kha a ni a, tin Plan Grant atang hian 2398.56, tin Non-Plan Grant atangin Rs 1634 chung chu kan pawisa hmuhna tura ruah hmanna te a ni, kan sawi ang khan a expenditure lama hi chu sangli leh tih kha a ni a, tichuan kan pawisa hmuh hi kan hmang phalo hle dawn alo ni ta a vawiinah hian, chutiang ang achievement ropui nei thei tura budget speech kan Finance Minister-in a rawn pharh hi Chief

Minister nena ruahmanna an lo neih dun thinna leh thiam taka kan sum leh pai enkawlina a ni tih a ti lang a ni.

Hengah hian kan sawi kai ve mai mai duh chu, Mizoramah hian kan sorkar hnathawk te chungchang pawh hi sawirik a tama, heng hi tlem azawng han sawifiah ve mai mai kan duh a. Tunah hian govt. employee kan neih danah hian Group A-ah hian 4477, B-ah 18072, C-ah 19769, D-ah 12034, chuan 54352 kan nei ta a, chungin a hlawh an lak dan chu Non – Plan atangin 42381 an la a, tunah 99293, CSS atangin 2678, tichuan a total chuan 65066 (singruk leh sang nga leh sawmruk paruk) kan nei a ni, vawiinah hian sorkara hlawh la te. Chung kan hlawh lakna lo kal Non – Plan crore 11615.64 chu chu a percent chuan kan Plan pumpui atang chuan 31.19% a ni a, tin, Plan atangin 416.15 crore a ni a, chu chu 8.03 % a ni. Tin CSS atangin 25.97 crore a kal a, chu chu .05 % a ni a, tichuan kan sorkar hnathawk hlawh vawiin a kal dan hi hei kan sawisual deuh thin te pawhin alang a, tuna kan budget atanga lo lang ah chuan 39.72 % hi hlawha kal chauh a ni. Chuvangchuan vawiin a kan ram development a kan sum leh pai hmanna tur te thil tam takah khang ah khanin kan nei thei a ni tih helai kan budget atang hian alo lang ta a, mipui chanvo a kha. Tin, chutih lai karah chuan kan sorkar hnathawk te vawiin ah hian 6th Pay kan pek tak avangin an hlawhah te an lungawi in an thla a muang a, vawiin ah hian tam tak ten han sawisel thin mahse kan ram hnarkaitu leh kan rama kan mamawh zawng zawng min thawhsaktu sorkar hnathawkte an nih avangin heng te hamthatna kan sawkarin an siam a hi a ropui hle a ni tih kha kan sawibelh duh bawk a ni.

Tin, NLUP hi sawiloh theih loh a ni a Pu Deputy Speaker, tunah hian hei crore 370 NLUP atan hian a hmaa kan dah nen 234 nen atang chuan 60 % emaw laiin a pung a ni a, a punna ringawt pawh asang a, chubakah chuan RKVY-a convergence kan tih atangin 40 crore alo kal belh dawn a, tichuan a vaiin NLUP a pawisa lo lut tura hi vaibelchhia 410 alo ni dawn ta tihna a ni a, kut hnathawktute lam hi an chanvo hi a chhelo hle a ni tih kha khan a ti lang ta a.

Tin, chubakah chuan hemi kan sawilai hian NLUP-a agriculture a pawisa hemi Nodal department-a kan va dah avang hian khawvel pian tirh atanga kan la hmuh ngailoh RKVY a vaibelchhe sing tel Agriculture tana an sem, agriculture kan tih chuan allied sector-ho, department agriculture atanga, Central-ah chuan akal khawm vek a ni a, khang a vaibelchhe sing tel khu kan state-in kan zuk hai chhuah theih miah loh a awm a, tun NLUP-a a lo awm tak avang hian khang vaibelchhe sing tel awm chinah khan keini pawhin pawisa kan dawng ve ta a, kumtin a pung chho zel, tun kumah phei hi chuan vaibelchhe 159 leh point 54 hi RKVY-ah NLUP avang liau liau hian kan neih belh ta a, hei hi kut hnathawktute tan liau liau a ni bawk a ni. Tichuan chungah kan hmanna turah chuan Agri-in vaibelchhe 72.79 an chang ang a, Horti-ah vaibelchhe 17 an chang ang a, AH & Vety-in 12, Soil-in 12, Fisheries-in vaibelchhe 7.75, Seri-in vaibelchhe 6.50, R&E Agri-in vaibelchhe 4.50 an chang dawn a ni. Heng hi budget, NLUP te lo ti lo ta ila, pawisa hi kan hmuh ngai loh leh kan dawn ngai loh tur a ni, kan vanneih phah hle a ni. Heng hmang hian leh thildang atangtein he sorkar hian ruahmanna kuthnathawktute a duhsakzia tihlan nan India ram state hausate pawhin an tih theih loh power tiller te, tractor te 75% subsidy-in tunah hian kan pe chhuak a. power tiller rigawt pawh hi 800 chuang kan sem tawh a, tractor pawh 55 kan pe chhuak tawh a, mini-tiller 100 chuang kan pe a. Hemi hmang hian Mizoram sorkarin kuthnathawktute tan tha thar a siam chhuah hi tha thar sing riat chuang a siam chhuak tawh a ni. Tin, LADC-ah te RKVY atang hian vaibelchhe 11 pek a ni a, MADC-ah vaibelchhe 9, CADC-ah vaibelchhe 7, kan District Council pathumte pawhin vaibelchhe 27 RKVY, NLUP zar, NLUP an hmuh tho bakah khan an dawn belh zel ta bawk a ni.

Pu Deputy Speaker, i hriat angin kum sawm chhung Chief Minister kalta khan Agriculture hmangin kum thum chhungin Mizoram hi buh leh balah min intodelh tir a tum a, kum ngaah India rama state hausa ber nih tir min tum a, kum sawmah phei chuan 'of the east'-ah min dah an tum kha a ni a. Amaherawhchu, hetiang ang approach hi vawiin thleng hian an hnuhma han chhui tur a awm lo a ni. Tunah hian kan MLA zahawm tak pakhat Chairman-na hnuaiyah agriculture policy leh economic policy an hrual mum leh tep tawh e tih te kha an han sawi leh lai han ngaihthlak chuan kum sawm chhunga an hruala kha eng ang tak ni ang maw tih kha sorkarna chang leh nghalin tih te kha ka ngaihtuahnaah a awm a. Vawiina agriculture programme kan Chief Minister leh Agriculture Minister hova ruahmanna kal dan hi chu a takin a kua, a nakah zen nghal chat chat a ni a. Hetah hian malsawmna kan dawng a ni. Chief Minister kal chhuak ta ina, kum sawm chhung Chief Minister lo niina mipuite budget hetiang kan sorkarin a tih an sawiselnaah khan bang thlang sat thlaa bang chhaka tun ang a ni, hei hi pawisa awmsa reng a ni a tih te kha an han sawi a. Amaherawhchu, heti zawng hian zuk ngaihtuah ta ila, hetihlaih hian zaa sawmsarih hian ruahsur leh nisa hi an do a, thlipui, khawdur leh nisa laka inphenna tur kha an lo nei ngai lova. Helaiah hian a bang zaa sawmthum te chu nuamsa takin kan lo awm a ni maithei. Zaa 70 kuthnathawktu mipuite tan khan hetiang anga an puala vaibelchhe sang tel budget-a lo dah hi itsik niawm zawk taka mipuite budgetrawn sawisela hi ram mipuite hian an pawm lem lo niin ka hria a. Vawiinniah pawh hian chu chu a takin a lo lang mek zel a ni.

Pu Deputy Speaker, Improvement of Roads-ah pawh hian kan vannei hle a, kan CM zahawm tak hi Delhi lama huhang a neihna te, a chakna te Mizoram hian kan la chhawr zel dawn a ni a. Tunah pawh hian kan vaibelchhia 329 road improvement atan kan neih bakah vaibelchhe 200 dang kha hetilaia scheme kan siama kan budget-a khung thlap a, Mizoram kawng siamthatna tur hi tunah hian ruahmanna siam a ni a. Chu chu vawiinah hian kan dinhmun a nih avangin hun rei loteah hian kawng chhiat avanga hlauhawm ka tihna te hi mual min liamsan dawn a niin a lang a, a thlamuanthlak hle a ni.

Tin, hei Power-ah hian sorkar hmasa hmachhawp han chhunzawm tur awm lo chungin vawiin niah hian kan dinhmun theihtawpa siam a ni a. Hydel project tam tak ruahmanna siam a ni a. Tuirial pawh 2014 January-ah kha leh chen lo tih thuanawp tawh kha peih turin megawatt 60 kha buatsaih a ni a. Tuivai hi chutiingin rei loteah lung phum mai beisei a ni bawk a, August thlaah emaw hi chuan kan Chief Minister leh Central Minister-te, chutiang chuan ruahmanna an siam tawh a ni a. Tin, Lungreng tih te, Tuivawl tih te, Kolodyne Chhimtuipui Phase-II tih te, heng atang hian kan mamawh sang tam tak Vaibelchhe za tam tak, vaibelchhe sang tam tak kan hralh chhuah tur te hun reilote ah kan nei dawn ni in a lang a. He ti lai Pu Deputy Speaker, kan sawifiah duh chu tuna current a awm loh hian kan sorkar a Chief Minister leh a thawhpui te hi magician an ni lova, mitdawivaih an thiam bik lova, vawi leh khatah current hi hetia switch va hmeh a lo eng phut phut thei ani lova, hun a duh kum 5, kum 6, kum 7 te hetiang power siam nan hian a duh a. Amaherawhchu he sorkar hian kum 10 a hman hun ah chuan Mizo mipui te hian current-ah hian sawisel tur an nei ngai tawh lovang tih hi vawiina kan sorkar hmalakna atang hian a lang ani tih hi kan sawi duh a. Chuvang chuan vawiinah hian current a awmlo anih chuan kum 10 chhung sorkarna chelhtu te khan sawi ve tur an la nei ve lo ani tih an in hriat a tul in ka hria a. Pu Deputy Speaker khangte kha, hei sawitur a la tam a ka ziah chhuah chanve pawh ka sawi hman lo va , hun min pek avangin lawmthu ka sawi e, Pu Deputy Speaker. Ka lawm e.

DEPUTY SPEAKER : Awle, tunge sawi ve leh dawn le, aw, Pu Ramhluna'n a rawn bei dawn e, sawm ang.

Pu C. RAMHLUNA : Hei tunah hian Budget Speech, Finance Minister zahawm takin a rawn sawi kha kan sawi ho ani a General Discussion kha, Budget tha tak rawn present ni in ka hria a, a lawmpui awm viau va, a hmasa a kan sawi duh chu kan sorkar annual plan hi han analyze mai mai kan duh deuh va. 2009-2010-ah khan 25% in a increase a, 2010-2011-ah khan 20% in a increase a, 2011-2012-ah khan 13.3%-ah a tlathla ta a, chu chu tunah hian 35.29%-ah kan lo chho ta a, a lawmawm viau va, a sang thain a lang a. Mahse hetilai a thil pakhat kan sawi duh chu 2010-2011, 2011-2012-ah khan a percentage increase a kha 20 vel chuan lo sang ta nise lang chuan in vaibelchhe 1800 vel kha a touch thei dawn ta a, tichuan kumina 35.29 a kha a lo tlahniam dawn ta 27% velin a lo tla dawn ta tih na kha a ni ta a. Kum khat a tlak hniam na khanin a percentage increase te pawh a ti sang niin a lang a, engpawh nise a lawmawm tho ni in a lang a.

Tin, a dang leh a kan sawi duh chu, hemi kan Plan size increase hianin engang chauhvin nge min effect tih kha sawi chhuah kan duh mai mai a. Hemiah hian kan sawi tel loh pakhat a awm a, flagship scheme kha kan sawi a NLUP-ah khan. NLUP-a kha kuminah hian 370 crores-ah khan an in pack ta kha niin a lang a. Hemi NLUP han paihtlak chuan a lo tlahniam ve ta hle dawn tihna a ni ta a. Rs. 2300 atang khan khami kha an paihtlak chuan Department chan kha a lo tlem leh ta duak dawn a. Hei kan enchhin mai mai a, Departmental allocation hi June 14-ah khan in tichhuak a, chu chu kan lo thlir ve a, kha tah khan ear mark sector kha a tam em em mai a. Ear mark sector kha ka han enchhin a, a sang viau mai a. Vaibelchhia ringawt pawh khanin ear mark sector-ah khan Vaibelchhia 1605.08 a ni daih mai a, chu chuanin nasa deuhvin Department function kha a effect dawn a. A bak a kha 2300 atang khan han paih ta ila, ear mark loh ho a kha a tlem ta pharh mai a, churang chuan a Department khan an suffer lo thei ta lova, tichuan hei allocation kha hemi demand programme kha kan enchhin ta a, department 46 capital leh Revenue atanga han lakkhawm khan department han duplicate pawh kha a awm thova capital pawh kha a hrangin an dah si a, Revenue pawh kha an dah avang khan ka lakkhawm ta lova, tichuan a vaia han lakkhawm khan a lo sang fu mai a, department 46 vel khan an suffer-in a lang a, tichuan hemi a tlemna department hrang hrang allocation tlemna a kha vaibelchhe 256. 12 khan a tlem dawrh mai ni khan alang ta a. Tin, chubakah chuanin June ni 14, 2012 a lehkha in han tihchhuah ah khan department tam tak a kha, khami a allocation pek tura intih a kha demand for grant nen khan a inang lo ta teuh mai a, example pakhat han sawi mai ka duh chu Distric Council bik ah khan LADC kha khami June ni 14 a sectoral allocation hemi hi ni rawh se in han tihah khan cheng sang nuai 5458.52 a ni a, nimahse demand for grant a a lan dan khan 4358.52 kha a ni ta a, tichuan nuai 1100 khan alo tlem ta dawrh a, June ni 14-a in han tih atang khan. MADC-ah khan nuai 900-in a lo hniam bawk a, CADC-ah khan nuai 700 khan a lo hniam ta bawk ta tihna kha a lo ni ta bawk a, kha kha District Council khanin khami allocation an hmuh khan an lawm hle lai khan heta alo hniam ta duai mai a kha lehlamah chuan nikum ai kha chuan san chu alo sang teh meuh mai a, nimahselangin an beisei kha an lo pha leh ta lo a, lehlamah chuan pawh ka tih pui ang reng viau mai a, kha kha han sawi chhuah ve hrim hrim a kha a thain ka hria a. Tin heti tak maia department 46 laiin a sectoral allocation atanga demand for grant lan dana anlo tuar tak a hi a pawh, harsatna thlentu te an lo ni ta tih kha a hriat ta a, tichuan khamiah khan han sawi leh ka duh chu thil pakhat, fiscal policy strategy statement in han tihchhuahah khanin 13th Finance Commission-ina tax leh GSDP ratio 2014-15 a in balance tura a han duh si lai khan 2010-11 atang khan expected ratio kha in pha ta lo char char kha pawh ka ti a, 2010-11-ah khan 2.89 a ratio tur anih lai khan a real term-ah khan 2.15

a lo ni a, tin 2011-2012-ah khan 2.95 kha expected ratio anih lai khan 2.85-ah a tla thla a, 2012-13-ah khan 3.01 kha anticipated ratio anih lai khan 2.37-ah khanin a tla thla ta a, kha kha engtin emaw GSDP kha tihsan nisela chuan hei hi chu nasa takin kan hlawkpui dawn niin a lang a. Finance Minister zahawm takin a Fiscal Policy strategy statement a rawn siam a, 13th Finance Commission-ina 2010 a kan leiba kan department engemawzat min han write off sak tura kha a lawmawm hlein ka hria a, Para 9-ah khan a rawn lang ta a, hemi Fiscal Policy strategy statement-ah khan 27 crore 88 lakh niin a lang a kha kha a lawmawm viauin ka hria a, mahse chutih lai chuanin para 10-ah khan central atanga loan kan lak kha 75 crores lai a ni bawk si a, a balance kha a la sang hle mai a, kha kha engang a tih tur nge niang kan leibaah khanin a kal chho zel dawn tihna kha a ni tain ka hria a a pawl hle chuan ka hria a.

Tin, Fiscal strategy statement-ah khan tiang hian a in ziaik a “the annual plan size of Mizoram is Rs.2300 crores, which is 35.29 percent increase over last year. However, it may not be out place to mention(ed) the ability of state govt, in provision of state share of 10% against these grant” a ti ta a ni. Tichuan entirnan 2300 crores pek kan nih khan 10% special category state anih avang khan keimahni khan kan lo meet ve a ngai dawn ta a, chumi atana 230 crores a pawh chu kan lo nei thei dawn ta si lova, churang chuan tunah kan plan grant zawng zawnga hi kan avail thei dawn lo a ni tih kha para 14-ah khan chiang taka ziaik ani ta a ni. Hemi atang hian engzatnge a nih kan sorkar hian kan plan fund 2300 hi kan meet theih dan tur ni ang aw tih kha hriat a chakawm viau a tunah mai chuan hriat a harin ka ring a, mahse kan Finance Minister hianin enge expectation a neih theih dan te hi a wind up hunah khan a lang thei turah ngai ila.

Tin, para 15-ah khan, non-tax revenue-ah khan Department tam tak khanin an collect pha lo hle a in rawn sawi ang bawk khan. Water supply atang erawh hi chuanin nasa takin tan lak a ngai a ni e tih an sawi kha keipawh ka pawmpui hle a ni. Kan chhut ve mai mai thin a, non-tax revenue a rural urban-ah pawh hian nasa taka tihpun theih na awm in ka hria a ni. Tunah hian Urban area-ah leh rural area-ah hian water supply hi hei aia tha zawk hian enkawl theih ni ta sela, entirnan thingtlangah chuanin pipe connection-in Rs. 100/- per month, barrel a la ho te Rs. 50 in an chawitir a, tui pump a la te kha Rs. 20 an chawitir a, heng ho hi V/C te an enkawl tir ta a, V/C khan anmahni hlawah an hmang ringawt mai a Department-ah a lut tak tak lem lo ni te khan a lang ta a, helai te pawh hi enchiang a water supply a non-tax revenue-ah a tam zawk lak theihna te pawh a awm dawn niin ka hria a ni.

Tin, Power sector-ah hian kumin chung hian 119.11 crores-a hi tunah hian kan beisei a ni a, hei hi 80 % hi Mizoramah electrified tawh niin a lang a, chumi anih chuan Mizoramah hianin 214750 kan awm tawh niin a lang a, 80 percent kha la dawn ta ilangin 171640 kha a percent chu a ni ta a, tuna kan pek dan chuanin in tin hian Rs. 574 chauh kan pe thei chauh kha a ni a, kha kha han enchiang deuh hlek ila chuanin, han raise deuh ila chuanin hemi power sector-ah pawh hianin hei aia sang pawh hianin kan hmu theih hi a rinawmin ka hria a. Ka chhut dan mai mai chuanin vaibelchhe 30/40 vel te in helaiah hian a pung thei niin ka hria a, khalai kha han sawi tel mai mai ka duh a.

Industry sector a sawi leh lawk ka duh chu Pu Deputy Speaker, Industry sector hi ka ngaipawimawh viau a, kan en thin a engmah development work han thawhna tur hi a awm lo hrim hrim ni hian a lang a, kan la sawi anga kha kha department

demand sawi hunah khan. Salary portion kha chu a lang ve deuh mai a, nimahselangin an hnathawhna tur pawisa kha a awm vak lo ani tih kha kan sawi tel duh baw k a ni. Ka lawm e.

DEPUTY SPEAKER : Tunge han sawi leh dawn le? Han sawi teh u han tih hian in ngawi leh thup a, sawi chiah hi chuanin rin ai chuan sawi tur chu in hre viau lawi si a. Tunge han sawi leh ang che u, kan bang mai dawn mi. Awle, han sawi leh rawh u le, vawiin leh naktuk hi general discussion a nia. Pu R.L. Pianmawia.

Pu R.L. PIANMAWIA : Pu Deputy Speaker, i veilama mi ten sawi ve se tia hun kan ken deuh pawhin an sawi duh mai si lova. A lawmawm em a kan budget hi, chuvang chuan sawi ngai lo an ti te pawh a ni mahna.

Hei kan budget hi a tam khawp mai a, a itawm tham baw k a, compensation lak duhna rilru pu chung phei chuanin, compensation lama dah vek mai a chakawm awm mange aw tih ka ngaihtuah a. Chuvang chuan hetiang budget tam tham kan Finance Minister leh kan Chief Minister-te leh kan official-ten an rawn chhawpchuak thei mai hi lawmthu sawina tur tam tak vawiinah hian a awm a ni tih ka sawi duh a. Hei, kawng hrang hranga lawmthu han sawina tur a awm rualin ka'n sawi duh pakhatnaah chuan NLUP-ah hian, lawmawm hlein ka hria a. Hei hi miretheite thleng phak tak tak budget anih vang a nia, hei hi awm lo ata awm tir anih hnuah pawh tihbelh a ni leh ta fova. Chuvang chuan hetiang miretheite chanpual budget-a dah tam thei sorkar hi an awm ve ang em aw! tih hi ngaihtuah tham niin ka hria a. Chuvang chuan thingtlang bialtu tan phei chuan a lawmawm dan hi a danglam khawp a. Heng hi kan dinchhuahna tur, kan inkhaichhuah vena tur rahbi tukna anih avangin lawmawm hlein ka hria a. Tin, a bik takin SHDC huamchhunga awm ka nih avangin a lawmawm ka ti hle a. Hei nuai 250 kha nuai 300-ah tun budget-ah hian min tihpun sak a. Tin, chubakah chuan RKVY an ti emaw ni atang khan nuai 100 kan Chief Minister zahawm tak leh kan Finance Minister zahawm takte hianin min pek belh baw k a. Hei hi ala taw k mai dawn lova, thawh dan leh hmasawn dan azirin pekbelh lehzel in ni ang an ti lehngal a. Chuvang chuan, hemi chungchangah a area bialtu tan phei chuan thil lawmawm tak a ni a. Hetiang budget a tihpun tawh pawha extra pawh nuai 100 vel lai mai min han pe leh baw k si te hi thil lawmawm tak niin ka hria. Chuvangin a bial chhunga mite tan pawh chona nasa tak mai tun budget-ah hian kan dawng a, a lawmawm hlein ka hria.

Tin, Education Department-ah hian lawmthu sawi tlak tam tak a awmin, kawng hrang hrangin a sawi theihin ka hria. Education Department-ah hian sorkar kalta tawp dawnah khan School 337 lai mai deficit-ah tlanchhe chungin an puang a. Khaw te deuhah thian zaho chu thingpui dawrah an kal hova. A tawng thei deuh ber khanin a order zawt zawt a. Pawisa pek tur a lo nei leh si lo a, a chhuak bo ta daih ang khan midang kha mangangin an awm ta ang deuh kha a ni a. Chuvangin school 337 pawisa pek tur awm lawk miah lo kha chhuahsanin Samari mitha sorkar, he ramah a lo ding chhuak ta hlauh a. Kha vang khan tun kum kal mekah pawh hlauh harsa tak chungin pek a'n ni ta a. Tun Budget tharah phei chuan an hlauh daih tur Budget-ah dah a'n ni ta mai hi a mak em em mai a. 'Aw, hmangaihna a va mak em! tih chu ka hla ni sela' tih kha vawiinah hian kan changthlan thei niin ka hria a. Chuvangin Education department tan phei chuan thil lawmawm hetiang ang hi a thleng leh

zel ang em aw? kum lo kal lehzel turah hian tih kha ngaihtuahna min neih tir rum rum a ni. Chuvangin Education Department atang ringawt pawh hian ram ang pawh hian lawmthu sawi mawlh mawlhna tur kan nei a ni tih hi ka'n sawi duh a.

Tin, Electric chungchangah kan tal buai hle a. Compensation lama tui mite hun a lo thlen avang khan Tuiriala kan electric siamchhuah tur, tun hunah pheih chuan a chuang a liam nei thei a, chhi thei tawh tur kha, compensation Era kha a lo thleng ve tlat mai a. Chuvang chuan compensation hunin kan Tuirial khuah tur min tikhawlo zo ta a. Chuvang chuan electric tun thleng hian kan nei tur ang kan nei loh phah ta a, a pawh hle a. Hei, keini ang bial rethei deuh te pheih chu engtikah nge eng kan hmuh ve ang? tih an han sawi thin a. RGGVY Scheme a lo kal a, a thawktute an han biak chuan Christmas dawnah chuan in en hman kan ring an ti a. Mahse, tute emaw tawngkam ang kha a nia. A kum kha bithliah a ni lova, Chriatmas dawn a la ni reng a ni. Christmas vawi hnih chu an han hmang ta phawt mai a. North Tinghmun te pawhin soundtrack te mi an dil tawh a. Amaherawhchu, soundtrack han tihna tur electric kha chu a la hlat hmel ropui mai a. Chuvangin electric lama kan rualawhna puhru thei lova, compensation lama min tlan liam san tak avang khan hrehawm tiin tun thleng hian kan rum a. Chuvang chuan electric lama hmasawna thar tur ruahmanna kawng hrang hrangah Tuivawlte leh Tuirialte hi kan bial hnaivai tur an ni a. Chuvang chuan heng ruahmanna, tun Budget-a a'n tel ta hi a lawmawm hlein ka hria a. Kan tan chuan hmasawna tur kawl nasa takin a eng a ni tih ka'n sawi duh a. Chuvang chuan electric lama kan rualawhna te puhru zo tur Budget kan han nei ta mai hi thil lawmawm tak niin ka hria a, lawmawm ka ti takmeuh meuh a.

Tin, District Empowerment chungchangah hian a lawmawm hlein ka hria a. Aizawl District atan nuai 100 dah chhin a ni a. Keini ang bial mamawh chu khata tang pawh khan a chang tam pawl chu kan nih kan ring nghal phawt mai a. A chhan chu Aizawl District rau rauah han chhut ta ila. A rethei bial na na na chu a hmang tam turah kan inngai lo thei lova. Chuvang chuan kan hotute rilru pawh hi a lo thukin ka bial tan a bik takin sawi lo mah sela, a lang deuh nghal ut hian ka hria a. Chumai bakah Sialkal tlangdung tan te, tin, district hrang hrang atan te thil tih a lo ni a. Hetianga bul tanna tha tak a'n awm hi a lawmawm hlein ka hria a. A phurawmna chhan chu Lunglei HPC atan khan a tan tirah tlem te dah a ni a. Tun dinhmunah hei a tam ta ther thawr khawp mai a. Chuvang chuan budget pharh lehah chuan heng district empowerment atana sum dahte pawh hi a pung leh dawn a ni tih a chiang nghalin ka hria a. A phur awm tulh tulh a, a back zawng aiin a hma lam zawngin kan kal zel dawn a ni tih a chiang hlein ka hria.

Tin, hei kan works programme te pawh hmuh theihin a rawn awm nghal a. Helaiia thil han sawi chakawm deuh maia chu (DEPUTY SPEAKER : Lo nghak lawk rawh, chair kan han inthlak lawk ang aw. Awle, sawi zawm zel rawh le.) Health Department bikah works programme ah hian a rawn lang kalh mai a. PHC 5 sak tur tih te, sub-centre building 30 sak tur tih te, sub-centre quarter 7 sak tur tihte, heng han sakna tur awm ang han ngaihtuah hian ka bial nen khian a in chawih viau mai a. Mitena an lo nei tawh hnuah keinin kan la nei siloh avang hian kan minister rilruah pawh kan lang nasa awm mange aw, tihte ka ngaihtuah a, chuvang chuan heng thilte avang pawh hian lawmthu sawi tur tamtak kan neiin lawmthu ka sawi tak meuh meuh a. Hetianga ruahmanna tha tak, works programme-ah pawh han tih lan nghal nei hi a mal te te hmingin ziaak langlo mahsela, a chiang tawkin ka hria a.

Tun tum kan budget-ah hian kawngpui siamna tur pawh a maka mak mai sum kan han nei a, chu pawh chu kawng khat mai pawh nilovin kawng hnihin ala kal a, a bik takin congress sorkar hi keini bial khian kan chhawr em em a, tunhma congress sorkar hmasaah

khan kawngpuiin ala tlawh loh, jeep road-in ala tlawh loh zawng zawngte pawh kha tihchhuah a ni a. Amaherawhchu sorkarna a inthlak a, an reh vang vang a, kawngpui pawh tuainnum lohinhun rei tak a awm a. Sorkar kalta hunah khan 'Kani' kan tih thin a khi 'Zokhawthiang' tiha thlak a ni tawh a. Amaherawhchu sorkar hmasa hun chhungah khan an han lai ve a. Bial fanga tumkhat kan kal pawhin kawngkharmawi hawng ngam lo chu a kal theih loh ka ti a. Kawngkharmawi hawng ngam chinte chiah tana kal ngamna a ni a. Zannah kalin a ziaawm a, chhun enah chuan motor ke leng tawh chiah chiah anih avang khan a hlauhawm em em a, chuvang chuan kawngkharmawi hawn ngam chin tan lo khan chuan han zawh mai chi a nilova, chu chu an tih chhan a ni a.

Tun hunah erawh chuan kan sorkar hian sum tam taksengin RD atang hian kawngpui thain a tlawhloh zawng zawngte pawh chu tunah hian an lai a. North Khawdungsei kawng sorkar hmasa congress sorkar hmasaka Pu Liansuaman min hawn sak kha enkawl zui lova hunrei tak a lo awm avangin tunah tih that a lo ngai leh tawh a. Motor lian kal thei turin tunah hian an bei mek a. Sunhluchhip kawng pawh kan sorkar hmasaka siama kha siam chhunzawm awm loh avangin tunah kawng thar, lung hmunah an bei phei mek a ni. Sunhluchhip kawng mai bakah pawh Chhanchhuahna khawpui Mizoramah pawh a lar tham ve hle a. Kawngpui tha takina a tlawh theihna turin tun sorkar ah hian R.D atangin min thawh sak bawh a. Chu phei chu an zo tawh lehngal a. Tichuan New Vervek bula Damdiai kawng te pawh khi khawtlang mipuiin pawisa awm hmian an mamawh tawh sia, JCB in neih hun huna pek turin laih a ni a. Thil tak takah hian chuan he congress sorkar Pu Lal Thanhawla kaihruai sorkar hi a ni tih keini atang khian sawi ngailo a entirna tha tak niin a tarlang tu pawimawh tak a ni tih ka'n sawi lang duh a. Khaw mawngping taka kan ngaih thin, a hming pawh tam tak chuan kan hriat mang loh Mauchar-te pawh kawngpui tlawh turin tunah ruahmanna a awm a. Amaherawh chu ruahmanna hmasaah thil fel tawh lo a awm avangin tunah hian tan theihin a awm dawn chauh a. Silchar kawng a pawhna tura kan mitthla a kan lo sawi thin leh kan duhthusam kan lo sam ve tawhna thin angte pawh tunah chuan a tak ram chang turin kan Sorkarin hma min laksak a. PWD-te hian mi an duhsak em em a, kawng chhia leh kawng hnim thenfai tih velah pawh hian Chief Minister bial hian min tluk dawn emaw ni aw ka ti a. Kawng sirte pawh khi a fai tha thei khawp mai a, a nuamin mam thuah pawh a mam tha a ni. Agriculture lam atangte pawhin duhsakna hrang hrang kan dawng tawh nachungin tun aia lian zawk dawng thei tur khian Sub - Circle-te pawh Zohmunah min dah sak ve ula kan tia min la dah sak thei lova, henge pawh hi min dah sak chuan bial hmasawanna tura hmanrua pawimawh tak a ni tih ka'n sawi lang tel duh a.

Tin, Home lampangah te duhsakna kan mamawh em em kan ti a, kan police hote motor-te pawh session hmasa lamah te kan sawi tawh ang khan kan Home Minister-in min tiam tawh ang khan Gypsy nam ngai lo kan han tlan tir ve ta a, a lawmawm hlein ka hria a. Tin, quarter sakna tun Budget-ah hian a rawn tarlang ta nghe nghe a, a lawmawm hlein ka hria a. Miretheite tana ding sorkar a nih zia leh harsatna sutkian tum tak tak sorkar a nih zia min rawn tarlan sak thin a, a lawmawm hlein ka hria a. Chuvangin tun a kan la hmabak tam tak te pawh hi kan sorkar hian min tihsak zel dawn niin kan hria a kan lawm tak meuh meuh a.

Tin, Art & Culture lamah te pawh zawhna ka'n pe tawh a, kan Minister pawh khan min ngaihven hlein ka hria a. Tingmun YMA hi registration-ah pawh khan 7-na, Library sak turah pawh khan registration-a 7-na te phei kha chu (a number kha a Pathian number bawh si a) han theihngihl mai chi chu anih ka ring lova, chuvang

chuan YMA Library sakna tur pek dawn hunachte pawh khan number 7 kha rilruah alo lang lian hle ang tih ka ring a. Chu chu ka'n sawi tel duh bawk a.

Tin, zirna lamah pawh zirtirtu, special trainer-te dah belhna thin te kha kan indaih loh avangin min dahbelh sak leh an tum a. Amaherawhchu a hmaa kan indaihlohna phuhruk tawk a kan dah tawhnate pawh kan dah leh vek thei lova, hei pawh hi kan Education Minister-in min hriatsak se ka duh a. Sikul 1 ah zirtirtu 3 awmna tam tak a awm a, pali dah turin pawisain min daih lo tih kha Department lamin min chhan dan a ni bawk si a. Chuvang chuan Primary-ah pawh class 4 a awm a, zirtirtu 3 tan chuan enkawl kha duhthu a sam lo hle a, kan zirna dan tharah te phei chuan uluk lehzuala tih kha an mamawh si a. Chuvang chuan zirtirtu primary sikul ah 3 ni lovin zirtirtu 4 zel awm thei tura khawi lai atang emaw tal a min lo zawn chhuah sak turin ka ngen a ni. Chu chu ni mai se ka lawm e.

SPEAKER : Sawi tur kan awm loh chuan Minister kan ko mai dawn em ni? Nihnih a zawh tur kan tia nikhatah pawh a zawh theih tho a nia, in chawl thei a ni mai a, naktuk chawlh kha kan duh chuan kan zo thei tho a nia. Kan ti tawp tawh mai dawn em ni, sawi tur kan awm tawh lo em ni? Minister kan ko tawh mai dawn? Sawi tur kan awm em? In zuar leh rih phawt ila, tunge phar, phar awm kan va awm lo ve a. 11 in kan sawi tawh a, ka veilam a mi 2 in in sawi a, ka dinglam a mi 9, anih kan wind up tir mai dawn em ni, ka veilam a mi te ho kha in rilru a na leh si ang em? Chair-in min hruai lutuk in ti leh ang em? Kan Deputy Speaker-in in ngawi vung vung hlawm a, a tih ang deuh khan. Wind up tur kha chuan ka la ko chiah lo deuh che a ni, nghak rih ang, dawhthei takin in sawi vek vek chuan in khat tha viau zel mai bawk si a, tunge sawi dawn le. Pu Lalthansanga leh Pu C. Ramhluna'n an sawi tawh a. Anih leh heti lam chuan an tam zawk an chhuang a lehlam kan sawi zawh hnuah khanin min han ti leh hrepte pawh hi an han duh ve thinin kan hria a chuvangin, a tam lam na na na chuanin han sawi han sawi teh se Minister an nei a ani khanin a rawn clear vek thei tho alawm an ti deuh anih chu maw le, phar in awm miah lo em ni? ZNP Group lamin an la sawi lo a ni maw. Naktuk lamah chuan tun ang zung zung chuan kan kal tawh lovang Chair atang khan in ngawih deuh reng chuanin Minister ka koh tawh kha chuanin Nazareth Isua a kal liam ta tih ang deuh kha a ni dawn a ni. Awle, tunge han sawi dawn le? Pu Sela hian a sawi chak lo maw? han ban ringawt chu khi mi pakhat sawina hun a la awm a nia, a hnunung berah tuin nge ni vaki lu han ti lawk dawn ni, a tawpah vaki lu a lawk tih ang deuh in. Aw, minute 15 chiah hun a la awm mi pakhat sawina hun, a sawi ngai han pek belh ringawt kha chu a ni mang si lo va, heti lam pawn an dil a Pu Piana tak pawh khan dil a tum a nia. Awle, kan House Leader zahawmtakin sawi lawk duh a nei a, i lo sawm ang.

Pu LAL THANHAWLA, CHIEF MINISTER : Pu Speaker tukinah kan Transport Minister zahawmtak khan khilai Saitual daia leimin vanga night Bus-in chhiatna rapthlak tak a tawh thu a rawn sawi a, chipchiar takin engkim kan lo hria a a lawmawm ka ti a, tin, kan Minister senior te leh kan MLA te, Pu R. Lalziriana kan Home Minister te, Pu J.H. Rothuama, Revenue Minister te, tin, amah Transport Minister Pu P.C. Zoram Sangliana te, tin, Pu Lalrinliana Sailo Health Minister-te, Pu T.T. Zothansanga te rang taka a hmun thleng chho a, a tul ang ang an han ti a, mipuite leh hlaim tuarte an han thlamuan kha a lawmawm ka ti a, tin, hnattlangte leh YMA te leh mimir reng rengin an tih tur ang ang an ti zung zung kha a lawmawm ka ti a, hlaim tuar te pawhin an thlamuan pui hlein ka ring a, a thite chung pawh

nasa takin kan tuar puia, Pathianin an kalsan an chhungte thlamuanin awmpui se kan duh a, kan dil sak a, tin, Sorkar angin tukinah kan Minister khan a tul ang ang kan tih sak ang a ti a, a hmun a an han kal a an tih theih bak a tul ang in kan ngaihtuah zel ang a ti a, a theih dan kawng kan han dap a, a thi chhungte zawng zawng kha Rs.1,50,000/- in ral ang kan ti a, tin, a hliamte pawh kha a theih dan kan zawng a dan pakhatat chuan kar hnih aia rei damdawiin ah an awm chuan a pek theih chin te a lo awm a, chutiang chuan helai ah kan Budget Speech Finance Minister zahawmtakin a rawn pek kha tha an ti a, sawitur an neih loh kar a ka rawn sawi ve a ni e, ka lawm e.

SPEAKER : Midang hliam a kha chu definite takin a la sawi theihloh tihna a ni maw? Aw le tunge sawi leh dawn? A nih chuti chu a laklawh deuh a, naktukah hun nei leh turah in ngai ila, 15 minutes kha hun a awm tawhlo baw a, kan ban hma tum te pawh a ni ve mai ang a, mahse, vawiin ang a in ngawih vung vung kha chuanin Minister kha kan ko vat tawh mai dawn a ni, wind up tur in. Aw le, naktukah kan sawihona kan chhonzawm leh ang a, chumi hma chuan kan Session chu kan chawl rih ang.

Sitting adjourned at 3:50 P.M.